

晉

書

三



志第一

晉書十一

天文上

天體

二十八宿外星

儀象

天漢起沒

天文經星

十二次度數

御製

昔在庖犧觀象察法以通神明之德以類天地之情可以藏往知來用
物成務故易曰天垂象見吉凶聖人象之此則觀乎天文以示變者也
尚書曰天聰明自我人聰明此則觀乎人文以成化者也是故政教北
於人理祥變應乎天文得失雖微罔不昭著然則三皇邁德七曜順軌
日月無薄蝕之變星辰靡錯亂之妖黃帝創受河圖始明休咎故其星
傳尚有存焉降在高陽乃命南正重司天北正黎司地爰洎帝嚳亦式
序三辰唐虞則羲和繼軌有夏則昆吾紹德年代餘邈文籍靡傳至于
殷之巫咸周之史佚格言遺記于今不朽其諸侯之史則曾有梓慎晉
有卜偃鄭有裨竈宋有子韋齊有甘德楚有唐昧趙有尹臯魏有石申夫
皆掌著天文各論圖驗其巫咸甘石之說後代所宗暴秦燔書兵經殘
滅天官星占存而不毀及漢景武之際司馬談父子繼為史官著天官
書以明天人之道其後中壘校尉劉向廣鴻範災條作皇極論以系往

之行事及班固叙漢史馬遷續述天文而蔡邕譙周各有撰錄司馬彪採之以繼前志今詳衆說以著于篇

天體

古言天者有三家一曰蓋天二曰宣夜三曰渾天漢靈帝時蔡邕於朔方上書言宣夜之學絕無師法周髀術數具存考驗天狀多所違失惟渾天近得其情今史官候臺所用銅儀則其法也立八尺負體而具天地之形以正黃道占察發斂以行日月以步五緯精微深妙百代不易之道也官有其器而無本書前志亦闕蔡邕所謂周髀者即蓋天之說也其本庖犧氏立周天歷度其所傳則周公受於殷商周人志之故曰周髀髀股也股者表也其言天似蓋笠地法覆槃天地各中高外下北極之下為天地之中其地最高而滂沲四隕三光隱映以為晝夜天中高於外衡冬至日之所在六萬里北極下地高於外衡下地亦六萬里外衡高於北極下地二萬里天地隆高相從日去地恒八萬里日麗天而平轉分冬夏之間日前行道為七衡六間每衡周經里數各依筭術

用句股重差推晷影極游以為遠近之數皆得於表股者也故曰周髀
又周髀家云天真如張蓋地方如其碁局天旁轉如推磨而左行日月右
行隨天左轉故日月實東行而天牽之以西沒壁豎之於蟻行磨石之上
磨左旋而蟻右去磨疾而蟻遲故不得不隨磨以左迴焉天形南高而
北下日出高故見日入下故不見天之居如倚蓋故極在人北是其證
也極在天之中而今在人北所以知天之形如倚蓋也日朝出陽中暮
入陰中陰氣暗冥故沒不見也夏時陽氣多陰氣少陽氣光明與白同
輝故日出即見無蔽之者故夏日長也冬天陰氣多陽氣少陰氣暗冥
掩日之光雖出猶隱不見故冬日短也宣夜之書云惟漢祕書郎郝萌
記先師相傳云天了無質仰而瞻之高遠無極眼矜精絕故蒼蒼然也
壁豎之旁望遠道之黃山而皆青俯察千仞之深谷而窈黑夫青非具色
而黑非有體也日月衆星自然浮生虛空之中其行其止皆須氣焉是
以七曜或逝或住或順或逆伏見無常進退不同由乎無所根繫故各
異也故辰極常居其所而北斗不與衆星西沒也攝提填星皆東行日

行度月行十三度遲疾任情其無所繫著可知矣若綴附天體不得爾也成帝咸康中會稽虞喜因宣夜之說作安天論以爲天高窮於無窮地深測於不測天確乎在上有常安之形地魄焉在下有居靜之體當相覆冒方則俱方負則俱負無方負不同之義也其光耀布列各自運行猶江海之有潮液萬品之有行藏也葛洪聞而譏之曰苟辰宿不麗於天天爲無用便可言無何必復云有之而不動乎由此而談稚川可謂知言之選也虞喜族祖河間相聳又立穹天論云天形穹隆如雞子幕其際周接四海之表浮于元氣之上譬如覆盎以抑水而不沒者氣充其中故也日繞辰極沒西而還東不出入地中天之有極猶蓋之有斗也天北下於地三十度極之傾在地卯西之北亦三十度人在卯西之南十餘萬里故斗極之下不爲地中當對天地卯西之位耳日行黃道繞極極北去黃道百一十五度南去黃道六十七度二至之所舍以爲長短也吳太常姚信造昕天論云人爲靈蟲形最似天今人顛前多臨霄而項不能覆背近取諸身故知天之體南低入地北則偏高又冬至極

低而天運近南故日去人遠而斗去人近北天氣至故冰寒也夏至極起而天運近北而斗去人遠日去人近南天氣至故蒸熱也極之立時日行地中淺故夜短天去地高故晝長也極之低時日行地中深故夜長天去地下淺故晝短也自虞喜虞聳姚信皆好奇徇異說非極數談天者也至於渾天理妙學者多疑漢王仲任據蓋天之說以駁渾儀云舊說天轉從地下過今掘地一丈輒有水天何得從水中行乎甚不然也日隨天而轉非入地夫人目所望不過十里天地合矣實非合也遠使然耳今視日入非入也亦遠耳當日入西方之時其下之人亦將謂之為中也四方之人各以其近者為出遠者為入矣何以明之今試使一人把火炬火夜行於平地去人十里火光滅矣非滅也遠使然耳今日西轉不復見是火滅之類也日月不負也望視之所以負者去人遠也夫日火之精也月水之精也水火在地不負在天何故負故丹楊葛洪釋之曰渾天儀注云天如雞子地如雞中黃孤居於天內天大而地小天表裏有水天地各乘氣而立載水而行周天三百六十五度四分度

之一又中分之則半覆地上半繞地下故二十八宿半見半隱天轉如車
轂之運也諸論天者雖多然精於陰陽者張平子陸公紀之徒咸以爲
推步七曜之道度曆象昏明之證候校以四八之氣考以漏刻之分占
晷影之往來求形驗於事情莫密於渾象者也張平子旣作銅渾天儀
於密室中以漏水轉之令伺之者閉戶而唱之其伺之者以告壺巫臺之
觀天者曰璇璣所加某星始見某星已中某星今沒皆如合符也崔子
玉爲其碑銘曰數術窮天地制作侔造化高才偉藝與神合契蓋由於
平子渾儀及地動儀之有驗故也若天果如渾者則天之出入行於水
中爲的然矣故黃帝書曰天在地外水在天外水浮天而載地者也又
易曰時乘六龍夫陽爻稱龍龍者居水之物以喻天天陽物也又出入
水中與龍相似故以龍比也聖人仰觀俯察審其如此故晉卦坤下離
上以證日出於地也又明夷之卦離下坤上以證日入於地也需卦乾
下坎上此亦天入水中之象也天爲金金水相生之物也天出入水中
當有何損而謂爲不可乎故桓君山曰春分日出卯入酉此乃人之卯

酉天之卯酉常值斗極為天中今視之乃在北不正在人上而春秋分時日出入乃在斗極之南若如磨石轉則北方道遠而南方道近晝夜漏刻之數不應等也後奏事待報坐西廊廡下以寒故暴背有頃日光出去不復暴背君山乃告信蓋天者曰天若如推磨石轉而日西行者其光景當照此廊下稍而東耳不當拔出去拔出去是應渾天法也渾為天之具形於是可知矣然則天出入水中無復疑矣又今視諸星出於東者初但去地小許耳漸而西行先經人上後遂西轉而下焉不旁旋也其先在西之星亦稍下而沒無北轉者日之出入亦然若謂天磨石轉者日之出入亦然衆星日月宜隨天而迴初在於東次經於南次到於西次及於北而復還於東不應橫過去也今日出於東冉冉轉上及其入西亦復漸漸稍下都不繞邊北去了了如此王生必固謂為不然者疏矣今日徑千里圍周三千里中足以當小星之數十也若日以轉遠之故但當光曜不能復來照及人耳宜猶望見其體不應都失其所在也日光既盛其體又大於星多矣今見極北之小星而不見日之在北

者明其北行也若日以轉遠之故不復可見其北入之間應當稍小
而日方入之時乃更大此非轉遠之徵也王生以火炬喻日吾亦將借子
之矛以刺子之楯焉把火之去人轉遠其光轉微而日月自出至入不
漸小也王生以火喻之謬矣又日之入西方視之稍稍去初尚有半如
橫破鏡之狀須臾淪沒矣若如王生之言日轉北去有半者其北都沒
之頃宜先如豎破鏡之狀不應如橫破鏡也如此言之日入西方不亦
孤子乎又月之光微不及日遠矣月盛之時雖有重雲蔽之不見月體
而夕猶朗然是光猶從雲中而照外也日若繞西及北者其光故應如
月在雲中之狀不得夜便大暗也又日入則星月出焉明知天以日月
分晝夜相代而照也若日常出者不應日亦入而星月亦出也又按
河洛之文皆云水火者陰陽之餘氣也夫言餘氣也則不能生日月可
知也顧當言日陽精生火者可耳若水火是日月所生則亦何得盡如
日月之負乎今火出於陽燧陽燧負而火不負也水出於方諸方諸方
而水不方也又陽燧可以取火於日而無取日於火之理此則日精之

生火明矣方諸可以取水於月而無取月於水之道此則月精之生水
了矣王生又云遠故視之負若審然者月初生之時及既虧之後何以
視之不負乎而曰食或上或下從側而起或如鉤至盡若遠視見負不
宜見其殘缺左右所起也此則渾天之躰信而有徵矣

儀象

虞書曰在璇璣玉衡以齊七政考靈曜云分寸之畧代天氣生以制方
負方負以成參以規矩昏明主時及命中星觀玉儀之游鄭玄謂以玉
為渾儀也春秋文曜鉤云唐堯即位羲和立渾儀此則儀象之設其來
遠矣縣代相傳史官禁密學者不觀故宣蓋沸騰暨漢太初落下闳
于妾人耿壽昌等造負儀以考歷度後至和帝時賈逵駁繁作又加黃道
至順帝時張衡又制渾象具內外規南北極黃赤道列二十四氣二十
八宿中外星宮及日月五緯以漏水轉之於殿上室內星中出沒與天相
應因其閏戾又轉瑞輪莖莖於階下隨月虛盈依曆開落其後陸續亦
造渾象至吳時中常侍廬江王蕃善數術傳劉洪乾象歷依其法而制

渾儀立論考度曰前儒舊說天地之體狀如鳥卵天包地外猶殼之裏黃也周旋無端其形渾渾然故曰渾天也周天三百六十五度五百八十九分度之百四十五半覆地上半在地下其二端謂之南極北極北極出地三十六度南極入地三十六度兩極相去一百八十二度半強繞北極徑七十二度常見不隱謂之上規繞南極七十二度常隱不見謂之下規赤道帶天之紘去兩極各九十一度少彊黃道日之所行也半在赤道外半在黃道內與赤道東交於角五少弱西交於奎十四少強其赤道外極遠者去赤道二十四度斗二十一度是也其入赤道內極遠者亦二十四度井二十五度是也日南至在斗二十一度去極百一十五度少彊是也日最南去極最遠故景最長黃道斗二十一度出辰入申日晝行地上百四十六度彊故日短夜行地下二百一十九度少弱故夜長自南至之後日去極稍近故景稍短日晝行地上度稍多故日稍長夜行地下度稍少故夜稍短日所在度稍北故日稍北以至於夏至日在井二十五度去極六十七度少彊是日最北去極最近景最取短黃

道井二十五度出寅入戌故日亦出寅入戌日晝行地上二百一十九度少弱故日長夜行地下百四十一度彊故夜短自夏至之後日去極稍遠故景稍長日晝行地上度稍少故日稍短夜行地下度稍多故夜稍長白所

在度稍南故日出稍南以至於南至而復初焉斗二十一井二十五南北相應四十八度春分日在奎十四少彊秋分日在角五少弱此黃赤二道之交中也去極俱九十一度少彊南北處斗二十一井二十五之中故景居二至長短之中奎十四角五出卯入酉故日亦出卯入酉日晝行地上夜行地下俱百八十二度半彊故日見之漏五十刻不見之漏五十刻謂之晝夜同夫天之晝夜以日出沒為分人之晝夜以昏明為限日未出二刻半而明日入二刻半而昏故損夜五刻以益晝是以春秋分漏晝五十五刻三光之行不必有常術術家以筭求之各有同異故諸家歷法參差不齊洛書甄曜度春秋考異郵皆云周天一百七萬一千里一度為二十九百三十二里七十一步二尺七寸四分四百八十七分分之三百六十二陸續云天東西南北徑三十五萬七千里此言周三徑一也考之徑一

不啻周三率周百四十二而徑四十五則天徑三十二萬九千四百一里一百二十二步二尺二寸一分七十一分分之十周禮日至之景尺有五寸謂之地中鄭衆說土圭之長尺有五寸以夏至之日立八尺之表其景與土圭等謂之地中今潁川陽城地也鄭玄云凡日景於地千里而差一寸景尺有五寸者南戴曰下萬五千里也以此推之日當去其下地八萬里矣日邪射陽城則天徑之半也體負如彈丸地處天之半而陽城爲中則日春秋冬夏昏明晝夜去陽城皆等無盈縮矣故知從日邪射陽城爲天徑之半也以句股法言之旁萬五千里句也立六極萬里股也從日邪射陽城弦也以句股求弦法入之得八萬一千三百九十四里三十步五尺三寸六分天徑之半而地上去天之數也倍之得十六萬二千七百八十八里六十一步四尺七寸二分天徑之數也以周率乘之徑率約之得五十一萬二千六百八十七里六十八步一尺八寸二分周天之數也減甄耀度考異郵五十五萬七千三百一十二里有奇一度凡千四百六里二十四步六寸四分十萬七千五百六十五分分之萬九千四十九減舊度千五百二

十五里二百五十六步三寸三十一万五千二百三十分分之十六万七
百三十分黃赤二道相与交錯其間相去二十四度以南儀推之二道俱
三百六十五度有奇是以知天躰負如彈丸也而陸績造渾象其形如鳥
卵然則黃道應長於赤道矣績云天東西南北徑三十五万七千里然
則績亦以天形正負也而渾象為鳥卵則為自相違背古舊渾象以三
分為一度凡周七尺三寸半分張衡更制以四分為一度凡周一丈四尺六
寸蕃以古制局小星辰稠概衡器傷大難可轉移更制渾象以三分為
一度凡周一丈九寸五分之三也

天文經星

鴻範傳曰清而明者天之躰也天勿心忒色是謂易常天裂陽不足是謂
臣強天裂見人兵起國亡天鳴有眚至尊憂且懼皆乱國之所生也馬
績云天文在圖籍昭昭可知者經星常宿中外官凡一百一十八名積數
七百八十三皆有州國官宮物類之象張衡云文曜麗乎天其動者有
七日月五星是也日者陽精之宗月者陰精之宗五星五行之精衆星

列布躰生於地精成於列列居錯峙各有攸屬在野象物在朝象官在人象神其以神差有五列焉是為三十五名一居中央謂之北斗四布於方各七為二十八舍日月運行歷示吉凶 緯躔次用告禍福中外之官常明者百有二十四可名者三百二十為星二千五百微星之數蓋萬一千五百二十庶物蠢蠕咸得繫命不然何得惣而理諸後武帝時太史令陳卓惣甘石巫咸三家所著星圖大凡二百八十三官一千四百六十四星以為定紀今略其昭昭者以備天官云

中宮

北極五星鉤陳六星皆在紫宮中北極北辰最尊者也其紐星天之樞也天運無窮三光迭耀而極星不移故曰居其所而衆星拱之第一星主月太子也第二星主日帝王也亦太一之坐謂最赤明者也第三星主五星庶子也中星不明主不用事右星不明太子直愛鉤陳後宮也大帝之正妃也太帝之帝居也北四星曰女御宮八十一御妻之象也鉤陳口中星曰天皇帝其神曰耀魄寶主御群靈執方神圖抱北極四星

曰四輔所以輔佐北極而出度授政也大帝上九星曰華蓋所以覆蔽大帝之坐也蓋下九星曰杠蓋之柄也華蓋下五星曰五帝內坐設敘順帝所居也客星犯紫宮中坐大臣犯主華蓋杠旁六星曰六甲可以分陰陽而配節候故在帝旁所以布政教而授農時也極東一星曰柱下史主記過左右史此之象也柱史北一星曰女史婦人之微者主傳漏故漢有侍史傳舍九星在華蓋上近河賓客之館主胡人入中國客星守之備女使使亦曰胡兵起傳舍南河中五星曰造父御官也一曰司馬或曰伯樂星亡馬大貴其西河中九星如鉤狀曰鉤星直則地動天一星在紫宮門右星南天帝之神也主戰鬪知人吉凶者也太一星在天一南相近亦天帝神也主使十六神知風雨水旱兵革饑饉疾疫災害所在之國也紫宮垣十五星其西蕃七東蕃八在北斗北一曰紫微大帝之坐也天子之常居也主命王度也一曰長垣曰天營曰旗星為蕃衛備蕃臣也宮闕兵起旌旗星直天子出自將宮中兵東垣下五星曰天柱建政教懸圖法門內東南維五星曰尚書主納言夙夜諮謀龍

作納言此之象也尚書西二星曰陰德陽德主周急振撫宮門左星內
二星曰大理主平刑斷獄也門外六星曰天牀主寢舍解息燕休西南
角外二星曰內厨六宮之內飲食主后妃夫人与太子宴飲東北維外
六星曰天厨主盛饌北斗七星在太微北七政之樞機陰陽之元本也
故運乎天中而臨制四方以建四時而均五行也魁四星為璇璣杓三
星為玉衡又曰斗為人君之象号令之主也又為帝車取乎運動之義
也又魁第一星曰天樞二曰璇三曰璣四曰權五曰玉衡六曰開陽七曰
搖光一至四為魁五至七為杓樞為天璇為地璣為人權為時玉衡為
音開陽為律搖光為星石氏云第一曰止星二主陽德天子之象也二曰
法星主陰刑女主之位也三曰令星主中禍四曰伐星主天理伐无道
五曰殺星主中央助四旁殺有罪六曰危星主天倉五穀七曰部星亦
曰應星主兵又一主天二主地三主火四主水五主土六主木七主金又曰
三主秦二主楚三主梁四主吳五主燕六主趙七主齊魁中四星為貴人之
牢曰天理也輔星傳乎開陽所以佐斗成功丞相之象也七政星明其

國昌輔星明則臣強杓南三星及魁第一星西三星皆曰三公王宣德化調七政和陰陽之官也

文昌六星在北斗魁前天之六府也主集計天道一曰上將大將軍建威武二曰次將尚書正左右三曰貴相太常理文緒四曰司祿司中司隸賞功進五曰司命司怪太史主滅咎六曰司寇大理佐理寶所謂一者起北斗魁前近內階者也明潤大小齊天瑞臻文昌北六星曰內階天皇之階也相一星在北斗南相者摠領百司而掌邦教以佐帝王安邦國集衆事也其白星明吉太陽守在相西大將大臣之象也主戒不虞設武備西北四星曰勢勢腐刑人也天牢六星在北斗魁下貴人之牢也太微天子庭也五帝之坐也十二諸侯府也其外蕃九鄉也一曰太微為衡衡主平也又為天庭理法平辭監升授德列宿受符諸神考節舒情稽疑也南蕃中二星間曰端門東曰左執法廷尉之象也西曰右執法御史大夫之象也執法所以舉刺凶姦者也左執法之東左掖門也右執法之西右掖門也東蕃四星南第一曰上相其北東太陽門也第二

星曰次相其北中華東門也第三星曰次將其北東太陰門也第四星曰上將所謂四輔也西蕃四星南第一星曰上將其北西太陽門也第二星曰次將其北中華西門也第三星曰次相其北西太陰門也第四星曰上相次亦曰四輔也東西蕃有共及動搖者諸侯謀執法移刑罰尤急月五星入太微軌道吉其所犯中坐成刑其西南角外三星曰明堂天子布政之宮明堂西三星曰靈臺觀臺也主觀雲物察符瑞候災變化左執法東北一星曰謁者主贊賓客也謁者東北三星曰三公內坐朝會之所居也三公北三星曰九卿內坐治万事九卿西五星曰內五諸侯內侍天子不之國也辟雍之禮得則太微諸侯明

黃帝坐在太微中含樞紐之神也天子動得天度止得地意從容中道則太微五帝坐明以光黃帝坐不明人主求賢士以輔法不然則奪勢四帝星俠黃帝坐東方蒼帝靈威仰之神也南方赤帝赤熛怒之神也西方白帝招矩之神也北方黑帝叶光紀之神也五帝坐北一星曰太子帝儲也太子北一星曰從官侍臣也帝坐東北一星曰幸臣屏四星

在端門之內近右執法屏所以壅蔽帝庭也執法主刺舉臣尊敬君上則星光明潤澤卽位十五星在帝坐東北一曰依烏卽府也周官之元士漢官之光祿中散諫議卽三署卽中是其職也卽王衛守也其星不具后妃死幸臣誅星明大及客星入之大臣爲亂卽將在卽位北主閱具所以爲武備也武賁一星在太微西蕃北下名南靜室旄頭之騎官也常陳七星如畢狀在帝坐北天子宿衛武賁之士以設強禦也星搖動天子自出明則武兵用微則兵弱三百六星兩兩而居起文昌列抵太微一曰天柱三公之位也在人曰三公在天曰三台王開德宣符也西近文昌二星曰上台爲司命王壽次三星曰中台爲司中王宗室東二星曰下台爲司祿王兵所以昭德塞違也又曰三台爲天階太一躡以上下一曰泰階上階上星爲天子下星爲女主中階上星爲諸侯三公下星爲御大夫下階上星爲士下星爲庶人所以和陰陽而理萬物也君臣和集如其常度有變則占其人南四星曰內平近職執法平罪之官也中台之北一星曰大尊貴戚也

攝提六星直斗杓之南主建時節同機祥攝提為楨以夾擁帝座也主
九卿明大三公恣客星入之聖人受制西三星曰周鼎王流亡大角在
攝提間大角者天王座也又為天棟正經紀也北三星曰帝席主宴獻
酬酢北三星曰梗河天矛也一曰天鋒主胡兵又為喪故其變動應以兵
喪也星亡其國有兵謀其北一星曰招搖一曰矛楯其北一星曰女戈皆主
胡兵占與梗河略相類也招搖與北斗杓間曰天庫星去其所則有庫
開之祥也招搖欲與棟星梗河北斗相應則胡當來受命於中國玄戈
又主北夷客星守之胡大敗天槍三星在北斗杓東一曰天鉞天之武備
也故在紫宮之左右所以禦難也女牀三星在紀星北後宮御也主女
事天棓五星在女牀北天子先驅也主分爭與刑罰藏兵亦所以禦兵
亦所以禦難也槍棓皆以備非常也一星不具其國兵起東七星曰扶
筐盛桑之器主勸蠶也七公七星在招搖東天之相也三公之象也主
七政貫索九星在其前賤人之牢也一曰連索一曰連營一曰天牢主法
律禁暴強也牢口一星為門欲其開也九星昏明天下獄煩七星見小

赦六星五星大赦動則斧鑕用中空則更元漢志云十五星天紀九星在貫索東九卿也王萬事之紀理怨訟也朋則天下多辭訟王則政理壞國紀亂散絕則地震山崩織女三星在天紀東端天女也王果菘絲帛珍寶也王者至孝神祇咸喜則織女星俱明天下和平大星怒角布帛貴東足四星曰漸臺臨水之臺也王畧漏律呂之事西足五星曰輦道王者嬉游之道也漢輦道通南北宮其象也左右角間二星曰平道之官平道西二星曰進賢王卿相舉逸才元東咸西咸各四星在房心北日月五星之道也房之戶所以防佚淫也星明則信吉月五星犯守之有陰謀鍵閉二星在房東北鉤鈐主關籥天市垣二十二星在房心東北主權衡主聚衆一曰天旗庭主斬戮之事也市中星衆潤澤則歲實災惑守之戮不忠之臣彗星除之為徙市易都客星入之兵大起出之有貴喪帝坐一星在天市中星西天庭也光而潤則天子吉威令行候一星在帝坐東北王伺陰陽也明大輔臣強四夷開候細微則國安云則主失位移則不安官者四星在帝坐西南侍主刑餘之人也星微

吉非其常官者有憂宗正二星在帝坐東南宗大夫也彗星守之若失色宗正有事客星守之更號令也宗人四星在宗正東王錄親踈享祀族人有序則如綺文而明正動則天子親屬有變客星守之貴人死宗星二在候星東宗室之象帝輔血脉之臣也客星守之宗支不和天江四星在尾北主太陰江星不具天下津河關道不通明若動搖大水出大兵起參差則馬貴熒惑守之有立主客星入之河津絕天筭八星在南斗柄西主關閉建星六星在南斗北亦曰天旗天之都閔也為謀事為天鼓為天馬南二星天庫也中央二星市也鈇鎖也上二星旗跗也斗建之間三光道也星動則衆勞月暈之蛟龍見牛馬疫月五星犯之大臣相譖有謀亦為關梁不通有大水東南四星曰狗國王鮮卑烏丸沃且熒惑守之外夷為變狗國北二星曰天雞王候時天辨九星在建星北市官之長也以知市珍也星欲明吉彗星犯守之糴貴囚徒起兵河鼓三星旗九星在牽牛北天鼓也主軍鼓主鈇鉞一曰三武王天子三將軍中央大星為大將軍左星為左將軍右星為右將軍左星南星

也所以備關梁而距難也設守阻險知謀徵也旗卽天鼓之旗所以爲
旌表也左旗九星在鼓左旁鼓欲正直而明色黃光澤將吉不正爲兵
憂也星怒馬貴動則兵起曲則將失計奪勢旗星差戾亂相陵旗端四
星南北列曰天桴鼓桴也星不明漏刻失時前近河鼓若桴鼓相直皆爲
桴鼓用離珠五星在須女北須女之藏府女子之星也天津九星橫河
中曰天漢一曰天江王四瀆津梁所以度神通四方也一星不備津關
道不通騰蛇二十二星在營室北天蚩也王水虫王良五星在奎北居
河中天子奉車御宮也其四星曰天駟旁一星曰王良亦曰天馬其星
動爲策馬策車騎備野亦曰梁爲天橋主禦風雨水道故或占車騎或
占津梁客星守之橋不通道前一星曰策星王良之御策也王天子之
僕在王良旁若移在王良前居馬後是謂策馬則車騎備野閣道六星
在王良前飛道也從紫宮至河神所乘也二曰閣道星天子游別宮之
道也傳路一星在閣道南旁別道也東壁北十星曰天廐王馬之官若
今驛亭也王傳令置驛逐漏馳騫謂其行急疾與晷漏競馳也天將

軍十二星在婁北主武兵中央大星天之將也南二星曰軍南門主誰何出入太陵八星在胃北亦曰積京主大喪也積京中星衆則諸侯有喪民多疾兵起太陵中一星曰積尸明則死人如山北九星曰天船一曰舟星所以濟不通也中一星曰積水候水災昴西二星曰天街三光之道主伺候關梁中外之境卷舌六星在昴北主口語以知佞讒也曲吉直而動天下有口舌之害中一曰天讒主巫醫五車五星三柱九星在畢北五車者五帝軍舍也五帝坐也主天子五兵一曰主五穀豐耗西北大星曰天庫主太白金主秦次東北星曰獄主辰星主燕趙次東星曰天倉主歲星主魯衛次東南星曰司空主鎮星主楚次西南星曰御星主熒惑主魏五星有變皆以其所占之三柱一曰三泉天子得靈臺之禮則五車三柱均明有常其中五星曰天潢天潢南三星曰咸池魚圍也月五星入天潢兵起道不通天下亂五車南六星曰諸王察諸侯存亡其西八星曰八穀主候歲八穀一星亡一穀不登天關一星在五車南亦曰天門日月之所行也主邊事主關閉芒角有兵五星守之

貴人多死東井鉞前四星曰司怪主候天地日月星辰變異及鳥獸草木之妖明主聞災脩德保福也司怪西北九星曰坐旗君臣設位之表也坐旗西四星曰天高臺榭之高主遠望氣象天高西一星曰天高主察山林妖變南河北河各三星夾東井一曰天高之關門也主閔梁南河曰南戍一曰南宮一曰陽門一曰越門一曰權星主火北河曰北戍一曰北宮一曰陰門一曰胡門一曰衡星主水兩河戍間日月五星之常道也河戍動搖中國兵起南河南三星曰闕立主宮門外象魏也五諸侯五星在東井北主刺舉戒不虞又曰理陰陽察得失亦曰主帝心一曰帝師二曰帝友三曰三六四曰博士五曰太史此五者常為帝定疑議星明大潤澤則天下大治芒角則禍在中五諸侯南三星曰天樽主成饘粥以給貧餒積水一星在北河西北水河也所以供酒食之正也積薪一星在積水東北供庖厨之正也水位四星在積薪東主水衡客星若水火守犯之百川流溢軒轅十七星在七星北軒轅黃帝之神黃龍之體也后妃之主土職也一曰東陵一曰權星主雷雨之神南大星女主也次北一星

夫人也屏也上將也次北二星妃也次將也其次諸星皆次妃之屬也女
主南小星女御也左二星少民后宗也右二星大民太后宗也欲其色
黃小而明也軒轅右角南三星曰酒旗酒官之旗也主饗宴飲食五星
守酒旗天下大酺有酒肉財物賜若爵宗室酒旗南三星曰天相丞相
之象也軒轅西四星曰燿燿者烽火之燿也邊亭之警候燿北四星曰
內平平罪之官明刑罰少微四星在太微西士大夫之位也一名處士亦
天子副主或曰博士官曰主衛掖門南第一星處士第二星議士第
三星博士第四星大夫明大而黃則賢主卒也月五星犯守之處士女
主憂宰相易南四星曰長垣主界域及胡夷熒惑入之胡入中國太白
入之九鄉謀

二十八舍

東方角二星為天關其間天門也其內天庭也故黃道經其中七曜之
所行也左角為天田為理主刑其南為太陽道右角為將主兵其北為
太陰道蓋天之三門猶房之四表其星明大王道太平賢者在朝動搖

移徙王者行元四星天子之內朝也摠攝天下奏事聽訟理獄錄功者
也一日䟽廟主疾疫星明大輔納忠天下寧氏四星王者之宿宮后妃
之府休解之房前二星適也後二星妾也後二星大則臣奉度房四星
為明堂天子布政之宮也亦四輔也下第一星上將也次次將也次次相
也上星上相也南二星君位北二星夫人位又為四表中間為天衢為
天關黃道之所經也南間曰陽環其南曰太陽北間曰陰間其北曰太
陰七曜由乎天衢則天下平和由陽道則早喪由陰道則水兵亦曰天
駟為天馬主車駕南星曰左駟次左服次右服次右駟亦曰天廐又主
開閉為蓄藏之所由也房星明則王者明驂星大則兵起星離民流又
北二小星曰鉤鈐房之鈐鍵天之管籥主閉鍵天心也明而近房天下
同心鉤鈐間有星及踈圻則地動河清心三星天王正位也中星曰明
堂天子位為大辰主天下之賞罰天下變動心星見祥星明大天下同
前星為太子後星為庶子心星直則王失勢尾九星後宮之場妃后之
府上第一星后也次三星夫人次星后嬪妾第三星傍一星名曰神宮

解衣之內室尾亦為九子星色欲均明大小相承則後宮有叙多子孫箕四星亦後宮妃后之府亦曰天津一曰天雞主八風凡日月宿在箕東壁翼軫者風起又王曰古王客蠻夷胡豹故蠻胡將動先表箕焉北方南斗六星天廟也丞相太宰之位主褒賢進士稟授爵祿又王兵一曰天機南二星魁天梁也中央二星天相也北二星天府庭也亦為壽命之期也將有天子之事占於斗斗星盛明王道平和爵祿行牽牛六星天之關梁主犧牲事其北二星一曰即路一曰聚火又曰上一星王道路次二星王關梁次三星王南越搖動變色則占之星明大道昌關梁通須女四星天少府也須賤妾之稱婦職之卑者也主布帛裁製嫁娶虛二星冢宰之官也主北方邑居廟堂祭祀祝禱事又主死喪哭泣危三星主天府天市架屋餘同虛占墳墓四星屬危之下主死喪哭泣為墳墓也營室三星天子之官也一曰玄宮一曰清廟又為軍糧之府及土功事星明國昌小不明祠祀鬼神不享離宮六星天子之別宮主隱藏休息之所東壁三星主文章天下圖書之祕府也星明王者興道

術行國多君子星失色大小不同王者好武經士不用圖書隱星動則有土功

西方奎十六星天之武庫也一曰天豕亦曰封豕主以兵禁暴又主溝瀆西南大星所謂天豕自亦曰大將欲其明婁三星為天獄主苑牧犧牲供給郊祀胃三星天之厨藏主倉廩黍五穀府也明則和平昴七星天之耳也主西方主獄事又為苑頭胡星也昴畢間為天街天子出苑頭罕畢以前驅此其義也黃道之所經也昴明則天下牢獄平昴六星皆明與大星等大水七星皆黃兵大起一星亡為兵喪搖動有大臣下獄及有白衣之會大而數盡動若跳躍者胡兵大起畢八星主邊兵主弋獵其大星曰天高一曰邊將主四夷之尉也星明大則遠夷來貢天下安失色則邊兵亂附耳一星在畢下主聽得失伺憊邪察不祥星盛則中國微有盜賊邊候驚為外國反移動佞讒行月入畢多兩觜觶三星為三軍之候行軍之藏府葆旅收斂萬物明則軍儲盈將得勢參十星一曰參伐一曰大辰一曰天市一曰鈇鉞主斬刈又為天獄主殺伐又主權衡所以

平理也。又王邊城爲九譯，故不欲其動也。參白獸之體，其中三星橫列，三將也。東北曰左肩王，左將西北曰右肩王，右將東南曰左足王，後將軍西南曰右足王，偏將軍故黃帝占參，應士將中央，三小星曰伐天之都尉也。主胡鮮卑、戎狄之國，故不欲明士將皆明。大天下兵精也。王道缺則芒角張，伐星明與參等，大臣皆謀兵起。參星失色，軍散敗。參芒角動，搖邊候有急兵起。有斬伐之事。參星移，客伐王。參左足入玉井中，兵大起。秦大水，若有喪山石，爲怪參星，差戾王臣貳。

南方東井八星天之南門，黃道所經天之亭候。主水衡事，法令所取平也。王者用法平則井星明而端列，鉞一星附井之前，王伺淫奢而斬之，故不欲其明明與井齊，則用鉞於大日月宿井，有風雨輿鬼五星，天目也。主視明察姦謀，東北星主積馬，東南星主積兵，西南星主積布帛，西北星主積金玉，隨變占之。中央星爲積尸，王死喪祠祀，曰缺鑰，主誅斬鬼星，明大穀成，不明百姓散，鑰欲其勿勿不明，明則兵起，大臣誅柳八星，天之厨宰也。主尚食和滋味，又主雷雨七星，七星一名天都，主衣

裳文繡又王急兵盜賊故星明王道昌闇則賢良不處天下空張六星
王珍寶宗廟所用及衣服又王天厨飲食賞賚之事星明則王者行五
禮得天之中翼二十二星天之樂府俳倡又王夷狄遠客負海之賓星明大
禮樂與四夷賓動則蠻夷使來離徙則天子舉兵軫四星主冢宰輔臣
也主車騎主載任有軍出入皆占於軫又王風王死喪軫星明則車駕
備動則車駕用轄星傳軫兩傍主王侯左轄為王者同姓右轄為異姓
星明兵大起遠軫凶轄舉南蠻侵長沙一星在軫之中主壽命明則主
壽長子孫昌又曰車無轄國有憂軫就聚兵大起 星官在二十八宿之外者
○庫樓十星六大星為庫南四星為樓在角南一曰天庫兵車之府也旁
十五星三三而聚者柱也中央四小星街也主陳兵東北二星曰陽門
主守隘塞也南門二星在庫樓南天之外門也主守兵平旦星在庫樓北
平天下之法獄事廷尉之象也天門二星在平星北亢南七星曰折威
主斬殺頓頑二星在折威東南主考囚情狀察詐偽也騎官二十七星
在氐南若天子武賁主宿衛東端一星騎陣將軍騎將也南三星車騎

騎之將也陣車三星在騎官東北革車也積卒十二星在房心南王為衛也他星守之近臣誅從官二星在積卒西北龜五星在尾南主占以吉凶傳說一星在尾後傳說王章祝巫官也魚一星在尾後河中王陰事知雲雨之期也杵三星在箕南杵給庖春客星入杵曰天下有急糠星在箕舌前杵西北鼈十四星在南斗南鼈為水蟲歸太陰有星守之白衣會王有水令農丈人一星在南斗西南老農主穡也狗二星在南斗魁前主吠守天田九星在牛南羅堰九星在牽牛東岨馬也以壅畜水潦灌漑渠也九坎九星在牽牛南坎溝渠也所以導達泉源疏盈瀉溢通溝溢也九坎間十星曰天池一曰三池一曰天海主灌漑田疇事虛南二星曰哭哭東二星曰泣泣哭皆近墳墓泣南十三星曰天壘城如貫索狀主北夷丁零匈奴南二星曰蓋屋治宮室之官也其南四星曰虛梁園陵寢廟之所也羽林四十五星在營室南一曰天軍主軍騎又主翼王也壘壁陣十二星在羽林北羽林之垣壘也主軍位為營壘也五星有在天軍中者皆為兵起熒惑大白辰星尤甚地落師門一星在羽

林西南北者宿在北方也落天之蕃落也師衆也師門猶軍門也長安
城北門曰北落門以象此也主非常以候兵有星守之虜入塞中兵起
其西北有十星曰天錢北落西南一星曰天綱主武帳北落東南九星
曰八魁主張禽獸天倉六星在婁南倉穀所藏也南四星曰天庾積厨
粟之所也天囷十三星在胃南囷倉廩之屬也主給御糧也天廩四星
在昴南一曰天膾主蓄黍稷以供饗祀春秋所謂御廩此之象也天苑
十六星昴畢南天子之苑囿養獸之所也苑南十三星曰天園植果菜
之所也畢附耳南八星曰天節主使臣之所持者也天節下九星曰九
州殊口曉方俗之官通重譯者也參旗九星在參西一曰天旗一曰天弓
主司弓弩之張候變禦難玉井四星在參左足下主水漿以給厨西南
九星曰九游天子之旗也玉井東南四星曰軍井行軍之井也軍井未
達將不言渴名取此也軍市十三星在參東南天軍貿易之市使有無
通也野雞一星主變怪在軍市中軍市西南二星曰丈人丈人東二星曰
子子東二星曰孫東井西南四星曰水府主水之官也東井南垣之東

四星四瀆江河淮濟之精也狼一星在東井東南狼爲野將王侵掠色有常不欲動也北七星曰天狗主守財弧九星在狼東南天弓也主備盜賊常向於狼弧矢動移不如常者多盜賊胡丘天起狼弧張害及胡天下乖亂又曰天弓張天下盡兵弧南六星爲天社昔共工氏之子句龍能平水土故祀以配社其精爲星老人一星在弧南二曰南極常以秋分之旦見于景春分之夕而没于丁見則治平主壽昌常以秋分候之南郊柳南六星曰外厨厨南一星曰天紀主禽獸之齒稷五星在七星南稷農正也取平百穀之長以爲號也張南十四星曰天廟天子之祖廟也客星守之祠官有憂翼南五星曰東區蠻夷星也軫南三十二星曰器府樂器之府也青丘七星在軫東南蠻夷之國號也青丘西四星曰土司空主界域亦曰司徒土司空北二星曰軍門主營候彪尾威旗

天漢起没

天漢起東方經尾旗之間謂之漢津乃分爲二道其南經傅說魚天命天弁河鼓其北經龜貫箕下次絡南斗魁左旗至天津下而合南道乃

西南行又分夾瓠瓜絡人星杵造父騰虵王良傅路閭道北端太陵天
船卷舌而南行絡五車經北河之南入東井水位而東南行絡南河關
丘天狗天紀天稷在七星南而沒

十二次度數

十二次班固取三統歷十二次配十二野其言最詳又有費直說周易蔡
邕月令章句所言頗有先後魏太史令陳卓更言郡國所入宿度今附
而次之

自軫十二度至氐四度為壽星於辰在辰鄭之分野屬兗州費直周易
分野壽星

起軫七度蔡邕月令
章句壽星起軫六度

自氐五度至尾九度為大火於辰在卯宋之分野屬豫州費直起氐十一度
蔡邕起亢八度

自尾十度至南斗十一度為析木於辰在寅燕之分野屬幽州費直起尾九度
蔡邕起尾四度

自南斗十二度至須女七度為星紀於辰在丑吳越之分野屬揚州費

起斗十度蔡
邕起斗六度

自須女八度至危十五度為玄枵於辰在子齊之分野屬青州費直起
女六度

蔡邕起
女二度

自危十六度至奎四度為諏此言於辰在亥衛之分野屬并州費直起蔡十四度

邕起危
十度

自奎五度至胃六度為降婁於辰在戌魯之分野屬徐州費直起奎二度蔡邕起婁八度費直起

自胃七度至畢十度為大梁於辰在酉趙之分野屬冀州費直起婁十度蔡邕

起明府
一度

自畢十二度至東井十五度為賈沈於辰在申魏之分野屬益州費直起畢

九度蔡邕起
起畢六度

自東井十六度至柳八度為鶡首於辰在未秦之分野屬雍州費直起井十二

度蔡邕起
井十度

自柳九度至張十六度為鶡火於辰在午周之分野屬三河費直起柳五度蔡邕起柳三度

自張十七度至軫十一度為鶡尾於辰在巳楚之分野屬荊州費直起張十二

度蔡邕起
張十二度

州郡躔次

陳卓范蠡蠡鬼谷先生張良諸葛亮譙周京房張衡並云

角元氏鄭充州

東郡入角一度

東平住城山陰入角六度

泰山入角七度

濟北陳留入元五度

濟陰入氏一度

東平入氏七度

房心宋豫州

潁川入房一度

汝南入房二度

沛郡入房四度

梁國入房五度

淮陽入心一度

魯國入心三度

楚國入房四度

尾箕燕幽州

涼州入箕中十度

上谷入尾一度

漁陽入尾三度

右北平入尾七度

西河上郡北地遼西東入尾十度

涿郡入尾十六度

渤海入箕二度

樂浪入箕三度

玄菟入箕六度

廣陽入箕九度

斗牽牛須女吳越揚州

九江入斗一度

廬江入斗六度

豫章入斗十度

丹楊入斗十六度

會稽入牛二度

臨淮入牛四度

廣陵入牛八度

泗水入女一度

六安入女六度

虛危齊青州

齊國入虛六度

北海入虛九度

濟南入危一度

樂安入危四度

東萊入危九度

平原入危十度

菑川入危十四度

營室東壁衛并州

安定入營室一度

天水入營室八度

隴西入營室四度

酒泉入營室十度

張掖入營室十二度

武都入東壁一度

金城入東壁四度

武威入東壁六度

敦煌入東壁八度

奎婁胃魯徐州

東海入奎一度

琅邪入奎六度

高密入婁一度

城陽入婁九度 膠東入胃一度

昂畢趙冀州

魏郡入昂一度 鉅鹿入昂三度 常山入昂五度

廣平入昂七度 中山入昂一度 清河入昂九度

信都入畢三度 趙郡入畢八度 安平入畢四度

河間入畢十度 眞定入畢十三度

皆參魏益州

廣漢入觜一度 越雋入觜三度 蜀郡入參一度

犍爲入參三度 牂牁入參五度 巴郡入參八度

漢中入參九度 益州入參七度

東井輿鬼秦雍州

雲中入東井二度 定襄入東井八度 鴈門入東井十六度

代郡入東井二十八度 太原入東井二十九度 上黨入輿鬼二度

柳七星張周三輔

弘農入柳一度

河南入七星三度

河東入張一度

河內入張九度

翼軫楚荊州

南陽入翼六度

南郡入翼十度

江夏入翼十二度

零陵入軫十一度

桂陽入軫六度

武陵入軫十度

長沙入軫十六度

晉書志第一

天文上

晉書十一

志卷第一

晉書十二

御撰

天文

七曜雲氣

雜星氣十輝

客星雜氣

流星史傳事驗

七曜

日為大陽之精主生養恩德人君之象也人君有瑕必露其隱以告示焉故日月行有道之國則光明人君吉昌百姓安寧人君乘土而王其政太平則日五色無主日變色有軍軍破無軍喪侯王其君無德其臣亂國則日赤無光日失色所臨之國不昌日晝昏行人無影到暮不止者上刑急下不聊生不出一年有大水日晝昏烏鳥羣鳴國失政日中烏見主不明為政亂國有白衣會將軍出旌旗舉日中有黑子黑氣黑雲乍乍三五臣廢其主日蝕陰侵陽臣掩君之象有三國

月為大陰之精以之配日女主之象以之比德刑罰之義列之朝廷諸侯大臣之類故君明則月行依度臣執權則月行失道大臣用事兵刑失理則月行乍南乍北女主外戚擅權則或進或退月變色將有殃月晝明姦邪並作君臣爭明女主失行陰國兵強中國飢天下謀僭數月

重見國以亂亡歲星曰東方春木於人五常仁也五事貌也仁虧貌失
逆春令傷木氣則罰見歲星歲星盈縮以其舍命國其所居久其國有
德厚五穀豐昌不可伐其對為衝歲乃有殃歲星安靜中度吉盈縮失
次其國有憂不可舉事用兵又曰人主之象也色欲明光色潤澤德合
同又曰進退如度姦邪息變色亂行主無福又主福主大司農主齊吳
主司天下諸侯人君之過主歲五穀赤而角其國昌赤黃而沉其野大穰
○熒惑曰南方夏火禮也視也禮虧視失逆夏令傷火氣罰見熒惑熒
惑法使行無常出則有兵入則兵散以舍命國為亂為賊為疾為喪為
飢為兵所居國受殃環繞鉤已芒角動搖變色乍前乍後乍左乍右其
為殃愈甚其南丈夫北女子喪周旋止息乃為死喪寇亂其野亡地其
失行而連兵聚其下順之戰勝又曰熒惑主大鴻臚主死喪主司空又
為司馬主楚吳越以南又司天下群臣之過司驕奢亡乱妖孽主歲成
敗又曰熒惑不動兵不戰有誅將其出色赤怒逆行成鉤已戰凶有圍
軍鉤已有芒角如鋒刃人主無出宮下有伏兵芒大則人衆怒又為李

外則李兵內則理政為天子之理也故曰雖有明天子必視熒惑所在其入守犯大微軒轅營室房心主命惡之

填星曰中央季夏土信也思心也信義禮智以信為王貌言視聽以心為正故四星皆失填乃為之動動而盈侯王不寧縮有軍不復所居之宿國吉得地及女子有福不可伐去之失地若有女憂居宿久國福厚易則薄失次而上二三宿曰盈有王命不成不乃火水失次而下曰縮厄戚其歲不復不乃天裂若地動一曰填為黃帝之德女主之象主德厚安危存亡之機司天下女主之過又曰天子之星也天子失信則填星大動太白曰西方秋金義也言也義虧言失逆秋令傷金氣罰見太白太白進退以候兵高埤遲速靜躁見伏用兵皆象之吉其出西方失行夷狄敗出東方失行中國敗未盡期曰過參天病其對國若經天下革民更王是謂亂紀人衆流亡晝見與日爭明強國弱小國強女主昌又曰太白主大臣其號上公也大司馬位謹候此

辰星曰北方冬水智也聽也智虧聽失逆冬令傷水氣罰見辰星辰星

見則主刑主廷尉主燕趙又為燕趙代以比宰相之象亦為殺伐之氣
戰鬪之象又曰軍於野辰星為偏將之象無軍為刑事和陰陽應效不
效其時不和出失其時寒暑有失其節邦當大飢當出不出是謂擊卒兵
大起在於房心間地動亦曰辰星出入躁疾常主夷狄又曰蠻夷之星
也亦主刑法之得失色黃而小地大動光明與月相逮其國大水

凡五星有色大小不同各依其行而順時應節色變有類

凡青皆比參左肩赤比心大星黃比參右肩白比狼星黑比奎大星不
失本色而應其四時者吉色害其行凶

凡五星所出所行所直之辰其國為得位得位者歲星以德熒惑有禮
填星有禍太白兵強辰星陰陽和所行所直之辰順其色而有角者勝
其色害者敗居實有德也居虛無德也色勝位行勝色行得盡勝之營
室為清廟歲星廟也心為明堂熒惑廟也南斗為文太室填星廟也元
為䟽廟太白廟也七星為真官辰星廟也五星行至其廟謹候其命
凡五星盈縮失位其精降于地為人歲星降為貴臣熒惑降為童兒

歌謠嬉戲填皇降為老人婦女太白降為壯夫處於林麓壚谷辰皇降為婦人吉凶之應隨其象告

凡五星木與土合為內亂飢與水合為變謀而更事與火合為飢為旱與金合為白衣之會合關國有內亂野有破軍為水太白在南歲星在北名曰牝牡年穀大熟太白在北歲星在南年或有或無火與金合為燁為喪不可舉事用兵從軍為軍憂離之軍却出大白陰分宅出其陽偏將戰與土合為憂主孽御與水合為北軍用兵舉事大敗一曰火與水合為焮焮內不可舉事用兵土與水合為壅沮不可舉事用兵有覆軍六師一曰為變謀更事必為旱與金合為疾為白衣會為內兵國亡地與木合國飢水與金合為變謀為兵憂入太白中而上出破軍殺將客勝下出客亡地視旗所指以命破軍環繞太白若與關大戰客勝凡木火土金與水關皆為戰兵不在外皆為內亂凡同舍為合相陵為關二星相近其殃大相遠毋傷七寸以內必之

凡月蝕五星其國皆亡歲以飢焚賊以亂填以殺太白以強國戰辰以

女亂

凡五星入月歲其野有逐相太白將修

凡五星所聚其國王天下從歲以義從熒惑以禮從填以重從太白以兵從辰以法從各以其事政天下也三星若合是謂鷲立絕行其國外內有兵與喪百姓飢之改立侯王四星若合是謂太陽其國兵喪並起君子憂小人流五星若合是謂易行有德受慶改立王者掩有四方子孫蕃昌亡德受殃離其國家滅其宗廟百姓離去被滿四方五星皆大其事亦大皆小事亦小

凡五星色皆圜白為喪為旱赤中不平為兵青為憂為水黑為疾疫為多死黃為吉比肩用赤犯我城黃地之爭白哭泣聲青有兵憂黑有水五星同色天下偃兵百姓安寧歌舞以行不見災疾五穀蕃昌凡五星歲政緩則不行急則過分逆則占熒惑緩則不出急則不入逆則占填緩則不還急則過舍逆則占太白緩則不出急則不入逆則占辰緩則不出急則不入非時則占五星不失行則年穀豐昌

凡五星分天之中積于東方中國利積于西方外國用兵者利辰星不出太白為客其出太白為主出而與太白不相從及各出一方為格野雖有軍不戰

凡五星見伏留行逆順遲速應歷度者為得其行政合于常違歷錯度而失路盈縮者為亂行亂行則為天矢彗孛而有亡國革政兵飢喪亂之禍云雜星氣

圖緯舊說及漢末劉表為荊州牧命武陵太守劉叡集天文眾占名荊州占其雜星之體有端星有妖星有客星有流星有瑞氣有妖氣有日月傍氣皆略其名狀舉其占驗次之於此云

瑞星一曰景星如半月生於晦朔助月為明或曰星大而中空或曰有三星在赤方氣與青方氣相連黃星在赤方氣中亦名德星二曰周伯星黃色煌煌然所見之國大昌三曰含譽言光耀似彗孛則含譽射四曰格澤如炎火下大上允色黃白起地而上見則不種而穫有土功有大客○妖星一曰彗星所謂掃星本類星末類彗小者數寸長或音天見則兵

起大水主婦除除舊布新有五色各依五行本精所主史曰按彗體無
光傳日而爲光故夕見則東指晨見則西指在日南北皆隨日光而指
頓挫其芒或長或短光芒所及則爲災二曰孛星彗之屬也偏指日彗
芒氣四出曰孛孛者孛孛然非常惡氣之所生內也內不有大亂則外
有大兵天下合謀闇蔽不明有所傷害晏子曰君若不政孛星將出彗
星何詎乎由是言之災甚於彗三曰天棊一名輿星本類星末銳長四
丈或出東北方西方主奮爭四曰天槍其出不過三月必有破國亂君
伏死其彗殃之不盡當有旱飢暴疾五曰天欒石氏曰雲如牛狀甘氏
本類星末銳巫咸曰彗星出西方長可二三丈主捕制六曰蚩尤旗類
彗而後曲象旗或曰赤雲獨見或曰其色黃上白下或曰若植薜而長
名曰蚩尤之旗或曰如箕可長二丈末有星主伐枉逆主惑亂所見之
方下有兵兵大起不然有喪七曰天衝出如人蒼衣赤頭不動見則臣
謀主武卒發天子亡八曰國皇大而赤類南極老人星或曰去地三丈
如炬火主內寇內難或曰其下起兵兵強或曰外內有兵喪九曰昭明

象如太白光芒不行或曰大而白無角乍上乍下一曰赤彗分為昭明
昭明滅光以為起霸起德之徵所起國兵多變二曰大人凶兵大起十
曰司危如太白有目或曰出正西西方之野星去地可六丈大而白或
曰大而毛兩角或曰類太白數動察之而赤為乖爭之徵三擊強兵
見則主失法豪桀起天子以不義失國有聲之臣行主德士曰天讒
彗出西北狀如劍長四五丈或曰如鉤長四丈或曰狀如小數動主殺
罰出則其國內亂其下相讒為飢兵赤地千里枯骨藉藉十二曰五殘
一名五鋒出正東東方星之狀類辰可去地六七丈或曰蒼彗散為五
殘如辰星出角或曰星表有氣如暈有毛或曰大而赤數動察之而青
主乖亡為五分毀敗之徵亦為備急兵見則主誅政在伯野亂成有急
兵有喪不利衝十三曰六賊見出正南南方之星去地可六丈大而赤
動有光或曰形如彗五殘六賊出禍合天下逆侵關樞其下有兵衝不
利十四曰獄漢一名咸漢出正北北方之野星去地可六丈大而赤數
動察之中青或曰赤表下有二彗從橫主逐王主刺王出則陰精橫兵

起其下又為喪動則諸侯驚十五曰旬始出斗北旁如雄雞其怒有青
黑象伏螿或曰怒雌也主爭兵又曰黃慧分為旬始為立主之題主亂
主招橫見則目亂兵作諸侯虐期十年聖人起伐群猾橫恣或曰出則
諸侯雄鳴十六曰天鋒慧象矛鋒天下從橫則天鋒星見十七曰燭星
如太白其出也不行見則不久而滅或曰主星上有三慧上出所出城
邑亂有大盜不成又以五色占十八曰蓬星大如二斗器色白一名王
星狀如夜火之光多至四五少三二曰蓬星在西南長數丈左右兌出
而易輿星見不出三年有亂自戮死又曰所出大水大旱五穀不收人
相食十九曰長庚如一匹布著天見則兵起二十曰四墳星出四隅去
地六丈餘或曰可四丈或曰星大而赤去地二丈常以夜半時出見十
月而兵起皆為兵起其下二十一曰地維藏光出四隅或曰大而赤去地
二三丈如月始出見則下有亂亂者亡有德者昌

河圖云歲星之精流為天棊 天槍 天猾 天衝 國皇 及登 蒼慧
熒惑散為昭且蚩尤之旗 昭明 司危 天撓 赤慧

填星散為五殘 獄漢 大賁 昭星 紂流 旬始 蚩尤 虹蜺

擊怒 黃彗

太白散為天杵 天柎 伏靈 大敗 司姦 天狗 天殘 卒起
白彗

辰星散為枉矢 破女 拂樞 滅寶 繞紜 鵲理 大奮祀 黑彗

五色之彗各有長短曲折應象

漢京房著風角書有集星章所載妖星皆見於月旁互有五色方雲
以五寅日見各有五星所生云

天槍 天根 天荆 眞若 天猿 天樓 天垣 皆歲星所生也

見以甲寅其星咸有兩青方在其旁

天陰 晉若 官張 天惑 天雀 赤若 蚩尤 皆熒惑之所生

也出在景寅日有兩赤方在其旁

天上 天伐 從星 天樞 天翟 天沸 荆彗 皆填星所生也

出在戊寅日有兩黃方在其旁

若星 帚星 若彗 竹彗 牆星 掠星 白藿 皆太白之所生也
出在庚寅日有兩白方在其旁

天美 天冕 天杜 天麻 天林 天蒿 端下 皆辰星之所生也
出以壬寅日有兩黑方在其旁

已前三十五星即五行氣所生皆出於月左右方氣之中各以其所生
星將出不出日數期候之當其未出之前而見見則有水旱兵喪飢亂
所指亡國失地王死破軍殺將

客星

張衡曰老子四星及周伯王蓬絮芮各錯乎五緯之間其見無期其
行無度荊州占云老子星色淳白然所見之國為飢為凶為善為惡為
喜為怒周伯星黃色煌煌所至之國大昌蓬絮星色青而熒熒然所至
之國風雨不節焦旱物不生五穀不登多蝗蟲又云東南有三星出名
曰盜星出則天下有大盜西南有三大星出名曰種陵出則天下穀貴
十倍西北有三大星出而白名曰天狗出則人相食大凶東北有三大星

星出名曰女帛見則有大喪

流星

流星天使也自上而降曰流自下而升曰飛大者曰奔奔亦流星也星大者使大星小者使小聲隆隆者怒之象也行疾者期速行遲者期遲大而無光者衆人之事小而有光者貴人之事大而光者其人貴且衆也乍明乍滅者賊成賊敗也前大後小者恐憂也前小後大者喜事也蛇行者姦事也往疾者往而不反也長者其事長久也短者事疾也奔星所墜其下有兵無風雲有流星見良久間乃入爲大風發屋折木小流星百數四面行者衆庶流移之象流星之類有音如炬火下地野雉鳴天保也所墜國安有喜若水流星色青赤名曰地鴈其所墜者起兵流星有光青赤長二三丈名曰天鴈軍中之精華也其國起兵將軍當從星所之流星暉然有光光白長音天者人王之星也主相將軍從星所之飛星大如缶若甕後皎然白前卑後高此謂頓頑其所從者多死亡飛星大如缶若甕後皎然白星滅後白者曲環如車輪此謂解銜

其國人相斬爲爵祿飛星大如缶若雍瓦其後皎然白長數丈星滅後白者化爲雲流下名曰大滑所下有流血積骨枉矢類流星色蒼黑蛇行望之如有毛目長數匹著有天王反萌王射患見則謀反之丘谷射所誅亦爲以亂伐亂

天狗狀如大奔星色黃有聲其止地類狗所墜望之如火光炎炎衝天其上銳其下負如數頃田處或曰星有毛旁有矩彗下有狗形者或曰星出其狀赤白有光下即爲天狗一曰流星有光見人面墜無音若有足者名曰天狗其色白其中黃黃如遺火狀王候兵討賊見則四方相射千里破軍殺將或曰五將鬪人相食所往之鄉有流血其君失地兵大起國易政戒守禦營頭有雲如壞山墮所謂營頭之星所隨其下覆軍流血千里亦曰流星晝隕名營頭

雲氣

瑞氣一曰慶雲若煙非煙若雲非雲郁郁紛紛蕭索輪囷是謂慶雲亦曰景雲此喜氣也太平之應二曰歸邪如星非星如雲非雲或曰星有兩

赤彗上向有莖下連星見必有歸國者三曰昌光赤如龍狀聖人起帝受終則見

妖氣一曰虹蜺日旁氣也斗之亂精王惑心王內淫王臣謀君天子誅后妃顛妻不二日祥雲如狗赤色長尾為亂君為兵喪十輝

周禮眡侵氏掌十輝之法以觀妖祥辯吉凶一曰侵謂陰陽五色之氣浸淫相侵或曰抱珥背瑠之屬如虹而短是也二曰象謂雲氣成形象如赤烏夾日以飛之類是也三曰鑷日旁氣刺日形如童子所佩之鑷四曰監謂雲氣臨在日上也五曰闇謂日月蝕或曰光脫也六曰菅菅不光明也七曰彌謂白虹彌天而貫日也八曰序謂氣若山而在日上或曰冠珥背瑠重疊次序在子日旁也九曰躋謂暈氣也或曰虹也詩所謂朝躋于西者也十曰想謂氣五色有形想也青飢赤兵白喪黑憂黃熟或曰想思也赤氣為人狩之形可思而知其吉凶也

凡遊氣蔽天日月失色皆是風雨之候也沉陰日月俱無光晝不見日

夜不見星有雲鄣之雨敵相當陰相圖議也日濛濛無光士卒內亂又
曰數日俱出若鬪天下兵起大戰日鬪下有拔城日戴者形如直狀其
上微起在日上為戴戴者德也國有喜也二云立日上為戴青赤氣抱
在日上小者為冠國有喜事青赤氣小而交於日下為纓青赤氣小而
負二在日下左右者為紐青赤氣如小半暈狀在日上為負負者得地
為喜又曰青赤氣長而斜倚日旁為戰青赤氣負而小在日左右為珥
黃白者有喜又曰有軍日有一珥為喜在日西西軍戰勝在日東東軍
戰勝南北亦如之無軍而珥為拜將又日旁如半環向日為抱青赤氣
如月初生背日者為背又曰背氣青赤而曲外向為叛象分為反城瑤
者如帶瑤在日四方青赤氣長而立旁為直日旁有直敵在一旁欲
自立從直所擊者勝日旁有二直三抱欲自立者不成順抱擊者勝殺
將氣形三角在日四方為提青赤氣橫在日上下為格氣如半暈在日
下為承承者巨承君也又曰日下有黃氣三重若抱名曰承福人主有
吉喜且得地青白氣如履在日下者為履日旁抱五重戰順抱者勝日

抱一背為破走抱者順氣也背者逆氣也兩軍相當順抱擊逆者勝故
曰破走日抱且兩珥一虹貫抱抱至日順虹擊者勝殺將日抱兩珥且
璫二虹貫抱至日順虹擊者勝日重抱內有璫順抱擊者勝亦曰軍內
有欲反者日重抱左右二珥有白虹貫抱順抱擊勝得一將有三虹得
三將日抱黃白潤澤內赤外青天子有喜有和親來降者軍不戰敵降
軍罷色青黃將喜赤將兵爭白將有喪黑將死日重抱且背順抱擊者
勝得地若有罷師日重抱抱內外有璫兩珥順抱擊者勝破軍軍中不
和不相信日旁有氣負而周匝內赤外青名為暈日暈者軍營象周
環匝日無厚薄敵與軍勢齊等若無軍在外天子失御民多叛日暈有
五色有喜不得五色者有憂

凡占兩軍相當必謹審日月暈氣知其所起留止遠近應與不應疾遲
大小厚薄長短抱背為多少有無實虛及亟密踈澤枯相應等者勢等
近勝遠疾勝遲大勝小厚勝薄長勝短抱勝背多勝少有勝無實勝虛
久勝亟密勝踈澤勝枯重背大破重抱為和親抱多親者益多背為天

下不和分離相去背於內者離於內背於外者離於外也

雜氣

天子氣內赤外黃四方所發之劇當有王者若天子欲有遊往處其地亦先發此氣或如城門隱隱在氣霧中恒帶殺氣森森然或如華蓋在氣霧中或氣象主日衣人無手在日西或如龍馬或雜色鬱鬱衝天者此皆帝王氣

猛將之氣如龍如猛獸或如火煙之狀或白如粉沸或如火光之狀夜照人或白而赤氣繞之或如山林竹木或紫黑如門上樓或上黑下赤狀似黑旌或如張弩或如埃塵頭銳而卑本大而高此皆猛將之氣也氣發漸漸如雲變作山形將有深謀

凡軍勝之氣如堤如坂前後磨地或如火光將軍勇士卒猛或如山堤山上若林木將士驍勇或如埃塵粉沸其色黃白或如人持斧向敵或如蛇舉首向敵或氣如覆舟雲如牽牛或有雲如鬪雞赤白相隨在氣中或發黃氣皆將士精勇

凡氣上黃下白名曰善氣所臨之軍敵欲求和退

凡負氣如馬肝色或如死炭色或類偃蓋或類偃魚或黑氣如壞山墮
軍上者名曰營頭之氣或如群羊群猪在氣中此衰氣也或如懸衣如
人相隨或紛紛如轉蓬或如揚灰或雲如卷席如匹布亂穰者皆為敗
徵氣如擊牛如人卧如雙蛇如飛鳥如決隄垣如壞屋如齧鹿相逐如兩
雞相向此皆為敗軍之氣

凡降人氣如人十五五皆叉手低頭又云如人叉手相向或氣如黑
山以黃為緣者皆欲降伏之象也

凡堅城之上有黑雲如屋名曰軍精或白氣如旌旗或青雲黃雲臨城
皆有大喜慶或氣青色如牛頭觸人或城上氣如煙火如雙蛇如杵形
向外或有雲分為兩彗狀者皆不可攻

凡屠城之氣或赤如飛鳥或赤氣如敗車或有赤黑氣如狸皮斑或城
中氣聚如樓出見於營外上有雲如衆人頭赤色其城營皆可屠氣如
雄雉臨城其下必有降者

凡伏兵有黑氣渾渾負長赤氣在其中或白氣粉沸起如樓狀或如幢節狀在烏雲中或如赤杵在烏雲中或如烏人在赤雲中

凡暴兵氣白如瓜蔓連結部隊相逐須臾罷而復出或白氣如仙人如仙人衣千萬連結部隊相逐罷而復興當有千里兵來或氣如人持刀楯雲如人色赤所臨城邑有卒兵至或赤氣如人持節兵來未息雲如方虹此皆有暴兵之象

凡戰氣青白如膏如人無頭如死人卧如舟蛇赤氣隨之必大戰殺將四望無雲見赤氣如狗入營其下有流血

凡連陰十日晝不見日夜不見月亂風四起欲雨而無雨名曰蒙臣有謀霧氣若晝若夜其色青黃更相奄冒乍合乍散亦然視四方常有大量五色具者其下賢人隱也青雲潤澤蔽日在西北為舉賢良雲氣如亂穰大風將至視所從來雲甚潤而厚大雨必暴至四始之日有黑雲氣如陣厚大重者多雨氣若霧非霧衣冠不濡見則其城帶甲而趣日出沒時有霧雲橫截之白者喪烏者鹵三日內雨者各解有雲如蛟龍

所見虜將軍失魄有雲如鷓尾來蔭國上三日亡有雲赤黃色四塞終日竟夜照地者大臣縱恣有雲如氣昧而濁賢人去小人在位

凡白虹者百殃之本衆亂所基霧者衆邪之氣陰來冒陽

凡白虹霧姦臣謀君擅權立威晝霧夜明臣志得申

凡夜霧白虹見臣有憂晝霧白虹見君有憂虹頭尾至地流血之象

凡霧氣不順四時逆相交錯微風小雨爲陰陽氣亂之象積日不解晝夜昏闇天下欲分離

凡天地四方昏濛若下塵十日五日已上或一月或一時雨不沾衣而有土名曰霾故曰天地霾君臣乖

凡海旁蝦氣象樓臺廣野氣成宮闕北夷之氣如牛羊群畜穹廬南夷之氣類舟船幡旗自華已南氣下黑上赤嵩高高三河之郊氣正赤恒山之北氣青勃碣海岱之間氣皆正黑江淮之間氣皆白東海氣如負磬附漢河水氣如引布江漢氣勁如杼濟水氣如黑犍渭水氣如狼白尾淮南氣如白羊少室氣如白兔青尾恒山氣如黑牛青尾東夷氣如樹

西夷氣如室屋南夷氣如閣臺或類舟船陣雲如立垣杆軸雲類軸搏
兩端兌灼雲如繩居前巨天其半半天其留者類闕旗故鈎雲句曲諸
此雲見以五色占而澤搏密其見動人及有兵必起合闕其直雲氣如
三疋帛廣前兌後大軍行氣也韓雲如布趙雲如牛楚雲如日宋雲如
車魯雲如馬衛雲如犬周雲如車輪秦雲如行人魏雲如鼠鄭雲如絳
衣越雲如龍蜀雲如困車氣乍高乍下往往而聚騎氣卑而布卒氣搏
前卑後高者疾前方而高後銳而卑者却其氣平者其行徐前高後卑
者不止而返校騎之氣正蒼黑長數百丈遊兵之氣如彗埽二云長數
百丈無根本喜氣上黃下赤怒氣上下赤憂氣上下黑土功氣黃白徙
氣白凡候氣之法氣初出時若雲非雲霧非霧騷騷若可見初出森
森然在桑榆上高五六尺者是千五百里外平視則千里舉目望即五
百里仰瞻中天即百里內平望桑榆間二千里登高而望下屬地者三
千里敵在東日出候之在南日中候之在西日入候之在北夜半候之
軍上氣高勝下厚勝薄實勝虛長勝短澤勝枯氣見以知大占期內有

大風雨久陰則災不成

大變史傳事驗

惠帝元康二年二月天西北大裂案劉向說天裂陽不足地動陰有餘是時人王昏豬妃后專制

大安二年八月庚午天中裂為二有聲如雷者三君道虧而臣下專僭之象也是日長沙王奉帝出距成都河間二王後成都河間東海又迭專威命是其應也

穆帝升平五年八月己卯夜天中裂廣三四丈有聲如雷野雉皆鳴是後哀帝荒疾海西失德皇太后臨朝太宗摠萬機植溫專權威振內外陰氣盛陽道微

元帝太興二年八月戊戌天鳴東南有聲如風水相薄京房易妖占曰天有聲人主憂三年十月壬辰天又鳴甲午止其後王敷入石頭王師敗績元帝屈辱制於強臣既而晏駕大恥不雪

安帝隆安五年閏月癸丑天東南鳴六年九月戊子天東南又鳴

是後桓玄篡位安帝播越憂莫大焉嗚呼東南者蓋中興江外天隨之而鳴也

義熙元年八月天鳴在東南京房易傳曰萬姓勞厥妖天鳴是時安帝雖反政而兵革歲動衆庶勤勞也

日蝕

魏文帝黃初二年六月戊辰晦日有蝕之有司奏免太尉詔曰災異之作以譴元首而歸過股肱豈禹湯罪己之義乎其令百官各虔厥職後有天地眚勿復 三公 三年正月景寅朔日有蝕之十月庚申晦又日有蝕之 五年十月戊申晦日有蝕之

明帝太和初太史令許芝奏曰應蝕與太尉於靈星祈禳帝曰蓋聞人王政有不德則天懼之以災異所以譴告告使得自脩也故日月薄蝕明治道有不當者朕即位以來既不能光明先帝聖德而施化有不合於皇神故上天有以寤之宜勅政自脩有以報於神明天之於人猶父之於子未有父欲有責其子而可獻盛饌以求免也今外欲遣上公

與太史令俱禳祠之於義未聞也群公卿士大夫其各勉脩厥職有司以補朕不逮者各封上之

太和五年十一月戊戌晦日有蝕之六年正月戊辰朔日有蝕之見吳歷
主青龍元年閏月庚寅朔日有蝕之

少帝正始元年七月戊申朔日有蝕之三年四月戊戌朔日有蝕之

四年五月丁丑朔日有蝕之五年四月景辰朔日有蝕之

六年四月壬子朔日有蝕之十月戊申朔又日有蝕之

八年二月庚午朔日有蝕之是時曹爽專政丁謐鄧颺等轉政法度會有日蝕之變詔群臣問得失蔣濟上疏曰昔大舜佐治戒在比周周公輔政慎於其朋齊侯問災晏子對以布惠魚君問異臧孫荅以緩役塞變應天乃實人事濟曰譬言甚切而君臣不悟終至敗亡

九年正月乙未朔日有蝕之

嘉平元年二月己未朔日有蝕之

高貴鄉公甘露四年七月戊子朔日有蝕之五年正月乙酉朔日有

蝕之京房易占曰日蝕乙酉君弱日強司馬將兵反征其王五月有成濟之變

元帝景元二年五月丁未朔日有蝕之三年十一月己亥朔日有蝕之

武帝泰始二年七月景午晦日有蝕之十月景午朔日有蝕之

七年十一月丁丑朔日有蝕之八年十月辛未朔日有蝕之

九年四月戊辰朔日有蝕之又七月丁酉朔日有蝕之

十年正月乙未三月癸亥並日有蝕之

咸寧元年七月甲申晦日有蝕之三年正月景子朔日有蝕之

四年正月庚午朔日有蝕之

太康四年三月辛丑朔日有蝕之七年正月甲寅朔日有蝕之

八年正月戊申朔日有蝕之九年正月壬申朔六月庚子朔並日有蝕之

永熙元年四月庚申帝崩

惠帝元康九年十一月甲子朔日有蝕之十二月廢皇太子逼為庶人

尋殺之

永康元年正月己卯四月辛卯朔並日有蝕之

永寧元年閏月景戌朔日有蝕之

光熙元年正月戊子朔七月乙酉朔並日有蝕之十一月惠帝崩十二月壬午朔又日有蝕之

懷帝永嘉元年十月戊申朔日有蝕之二年正月景子朔日有蝕之六年二月壬子朔日有蝕之

愍帝建興四年六月丁巳朔十二月甲申朔並日有蝕之

五年五月景子十一月景子並日有蝕之時帝蒙塵于平陽元帝太興元年四月丁丑朔日有蝕之

明帝太寧三年十一月癸巳朔日有蝕之在卯至斗斗吳分也其後蘇峻作亂

成帝咸和二年五月甲申朔日有蝕之在井井王酒食女主象也明年皇太后以憂崩六年三月壬戌朔日有蝕之是時帝已年長每幸司徒第猶出入見王導夫人曹氏如子弟之禮以人君而敬人臣之妻有

虧君德之象也 九年十月乙未朔日有蝕之是時帝旣冠當親萬機而委政大臣者君道有虧也

咸康元年十月乙未朔日有蝕之 七年二月甲子朔日有蝕之三月杜皇后崩 八年正月乙未朔日有蝕之京都大雨郡國以聞是謂三朝王者惡之六月而帝崩

穆帝永和二年四月己酉七年正月丁酉八年正月辛卯並日有蝕之十一年十月癸巳朔日有蝕之在尾尾燕分北狄之象也是時邊表姚襄符生互相吞噬朝廷憂勞征伐不止

升平四年八月辛丑朔日有蝕之幾旣在角凡蝕淺者禍淺深者禍大角爲天門人主惡之明年而帝崩

哀帝隆和元年三月甲寅朔十二月戊午朔並日有蝕之明年而帝有疾不識萬機

海西公太和三年三月丁巳朔五年七月癸酉朔並日有蝕之皆海西被廢之應也

孝武帝寧康三年十月癸酉朔日有蝕之

太元四年閏月己酉朔日有蝕之是時符堅攻沒襄陽執朱序

六年六月庚子朔日有蝕之九年十月辛亥朔日有蝕之

十七年五月丁卯朔日有蝕之二十年三月庚辰朔日有蝕之明年

帝崩

安帝隆安四年六月庚辰朔日有蝕之是時元顯執政

元興二年四月癸巳朔日有蝕之其冬桓玄篡帝位

義熙三年七月戊戌朔日有蝕之十年九月丁巳朔日有蝕之

十一年七月辛亥晦日有蝕之十三年正月甲戌朔日有蝕之明年

帝崩

恭帝元熙元年十月丁亥朔日有蝕之自義熙元年至是日蝕日從

上始皆為革命之徵

周禮眡祲氏掌十輝之法以觀妖祥辯吉凶有侵象鑄監閭菅彌序儕
想凡十後代名變說者莫同今錄其著應以次之云

吳孫權赤鳥十年二月白虹貫日權發詔戒懼

武帝泰始五年七月甲寅日暈再重白虹貫之

太康元年正月己丑朔五色氣冠日自卯至酉占曰君道失明丑爲斗牛王曰天越是時孫皓淫暴四月降

惠帝元康元年十一月甲申日暈再重青赤有光

九年正月日中有若飛燕鳥者數日乃消王隱以爲惑懷廢死之徵

永康元年正月癸亥朔日暈三重十月乙未日闇黃霧四塞占曰不及三年下有拔城大戰十二月庚戌日中有黑氣京房易傳曰祭天不順茲謂逆厥異日中有黑氣

永寧元年九月甲申日中有黑子京房易占黑者陰也臣不掩君惡令下見百姓惡君則有此變又曰日有蔽主明者

太安元年十一月日中有黑氣

永興元年十一月日中有黑氣分日

光熙元年五月壬辰癸巳日光四散赤如血流照地皆赤甲午又如之

占曰君道失明

懷帝永嘉元年十月乙亥黃黑氣掩日所照皆黃案河圖占曰日薄也其說曰凡日蝕皆於朔晦有不於晦朔者為日薄雖非日月同宿時陰氣成覆日光也占類曰食二年正月戊申白虹貫日二月癸卯白虹貫日青黃暈五重占曰白虹貫日近臣為亂不則諸侯有反者暈五重有國者受其祥天下有兵破亡其地明年司馬越暴蔑人主五年劉聰破京都帝蒙塵于寇庭五年二月庚申日散光如血下流所照皆赤日中有若飛鷲者

愍帝建興三年正月辛未庚時日墮于地又有三日相承出於西方而東行五年正月庚子三日並照虹蜺彌天日有重暈左右兩珥占曰白虹兵氣也三四五六日俱出並爭天下兵作丁巳亦如其數又曰三日並出不過三旬諸侯爭為帝日重暈天下有立王暈而珥天下有立侯故陳卓曰當有大慶天下其三分乎三月而江東改元為建武劉聰李雄亦跨曹劉疆宇於是兵連累葉

元帝太興元年十一月乙卯日夜出高三丈中有赤青珥

四年二月癸亥日鬪三月癸未日中有黑子辛亥帝親錄訊囚徒

永昌元年十月辛卯日中有黑子時帝寵幸劉隗擅威福虧傷君道王

敦因之舉兵逼京都禍及忠賢

明帝太寧元年正月己卯朔日暈無光癸巳黃霧四塞占曰君道失明

陰陽昏臣有陰謀京房曰下專刑茲謂分威蒙微而日不明先是王敦

害尚書令刁協僕射周顓驃騎將軍戴若思等是專刑之應敦既陵

上卒伏其辜十一月景子曰虹貫日史官不見桂陽太守華包以聞

成帝咸和九年七月白虹貫日

咸康元年七月白虹貫日二年七月白虹貫日自後庾氏專政由右族

而貴蓋亦婦人擅國之義故頻年白虹貫日八年正月壬申日中有

黑子景子乃滅夏帝崩

穆帝永和八年張重華在涼州日暴赤如火中有三足鳥形見分明五

日乃止十年十月庚辰日中有黑子大如雞卵十一年二月戊申日

中有黑子大如桃二枚時天子幼弱久不親國政

升平三年十月丙午日中有黑子大如雞卵少時而帝崩

海西公太和三年九月戊辰夜二虹見東方四年四月戊辰日暈厚
密白虹貫日中十月乙未日中有黑子五年二月辛酉日中有黑子
大如李六年三月辛未白虹貫日日暈五重十一月桓溫廢帝即簡
文咸安元年也

簡文咸安二年十月丁丑日中有黑子

孝武寧康元年十月乙酉日中有黑子大如李二年三月庚寅日
中有黑子二枚大如鴨卵十一月己巳日中有黑子大如雞卵時帝已
長而康獻皇后以從嫂臨朝實傷君道故日有瑕也

太元十三年二月庚子日中有黑子二大如李十四年六月辛卯日
中又有黑子大如李二十年十一月辛卯日中又有黑子是時會稽王
以母弟干政安帝隆安元年十二月壬辰日有暈有背瑤是後不親
萬機會稽王世子元顯專行威罰四年十一月辛亥日中有黑子

元興元年二月甲子日暈白虹貫日中三月庚子白虹貫日未幾桓玄
尅京都王師敗績明年玄篡位

義熙元年五月庚午日有彩珥六年五月景子日暈有珥時有虜循
逼京都內外戒嚴七月循走七年七月五虹見東方占曰天子黜其
後劉裕代晉十年日在東井有白虹十餘丈在南干日災在秦分
秦亡之象

恭帝元熙二年正月壬辰白氣貫日東西有直珥各三天白氣貫之交並

月變魏文帝黃初四年十一月月暈北斗占曰大喪赦天下七年

五月帝崩明帝即位大赦天下

孝懷帝永嘉五年三月壬申景夜月蝕既丁夜又蝕既占曰月蝕盡大
人憂又曰其國貴人死

海西公太和四年閏月乙亥月暈軫復有白暈貫月北暈斗柄三星占
曰王者惡之六年桓溫廢帝

安帝隆安五年三月甲子月生齒占曰月生齒天子有賊臣群下自相

殘桓玄篡逆之徵也

義熙九年十二月辛卯朔月猶見東方是謂之仄匿則侯王其肅是時劉裕輔政威刑自己仄匿之應云

十年十一月乙未月入輿鬼見而暈占曰王憂財寶出曰月暈有赦月奄犯五緯

凡月蝕五星其國皆亡五星入月其野有逐相

魏明帝太和五年十二月甲辰月犯填星

青龍二年十月乙丑月又犯填星占同上戊寅月犯太白占曰人君死又為兵景初元年七月公孫懿叛二年正月遣宣帝討之三年正月天子崩四年三月己巳太白與月俱加景晝見月犯太白占同上

景初元年十月丁未月犯熒惑占曰貴人死二年四月司徒韓暨薨齊王嘉平元年正月甲午太白襲月宣帝奏永寧太后廢曹爽等

惠帝太安二年十一月庚辰歲星入月中占曰國有逐相十二月壬寅太白犯月占曰天下有兵三年正月己卯月犯太白占同青龍元年七

月左衛將軍陳眎率衆奉帝伐成都王六軍敗績兵逼乘輿後二年帝崩元帝太興三年十一月辛巳月犯熒惑占曰有亂臣三年十二月己未太白入月在斗郭璞曰月屬坎陰府法象也太白金行而來犯之天意若曰刑理失中自毀其法

四年十二月丁亥月犯歲星在房占曰其國兵飢人流亡

永昌元年三月王敦作亂率江荆之衆來攻敗京都殺將相又鎮北將軍劉隗出奔百姓並去南畝困於兵革四月又殺湘州刺史譙王司馬承鎮南將軍甘卓

成帝咸康元年二月乙未太白入月四月甲午月犯太白四年四月己巳七月乙巳月俱奄太白占曰人君死又爲兵人主惡之明年石季龍之衆大寇沔南於是內外戒嚴五年四月辛未月犯歲星在胃占曰國飢人流乙未月犯歲星在昴及冬有沔南邾城之敗百姓流亡萬餘家六年二月乙未太白入月占曰人主死四月甲午月犯太白占曰人主惡之

穆帝永和八年十二月月在東井犯歲星占曰秦飢人流亡是時兵革連起十年十一月月奄填星在輿鬼占曰秦有兵時桓溫伐苻健健堅壁長安溫退十二年八月桓溫破姚襄

升平元年十一月壬午月奄歲星在房占曰人飢一曰豫州有災

二年閏三月乙亥月犯歲星在房占同上三年豫州刺史謝萬敗

三年三月乙酉月犯太白在昴占曰人君死一曰趙地有兵胡不安四年正月慕容儁卒五年正月乙丑辰時月在危宿奄太白占曰天下靡散三月丁未月犯填星在軫占曰為大喪五月穆帝崩七月慕容恪攻冀州刺史呂護於野王拔之護奔走時桓溫以大衆次宛間護敗乃退

哀帝興寧元年十月景戌月奄太白在須女占曰天下靡散一曰災在揚州三年洛陽沒其後桓溫傾揚州資實北討敗績死三太半及征秦真淮南殘破後慕容暉及苻堅互來侵境三年正月乙卯月奄歲星在參占曰參益州分也六月鎮西將軍益州刺史周撫卒十月梁州刺史

司馬勳入益州以叛朱序率衆助刺史周楚討平之

海西太和元年二月景子月奄熒惑在參占曰為內亂帝不終之徵
一曰參魏地五年慕容暉為苻堅所滅

孝武太元十二年二月戊寅熒惑入月占曰有亂臣死若有相戮者一
曰女親為政天下亂是時琅邪王輔政王妃從兄王國寶以姻昵受寵
又陳郡人袁悅昧私苟進交構主相扇揚朋黨十三年帝殺悅於市於
是主相有隙亂階興矣十三年十二月戊子辰星入月在危占曰賊
臣欲殺王不出三年必有內惡是後慕容垂翟遼姚萇苻登慕容永並
阻兵爭強十四年十一月乙未月犯歲星占並同上十五年翟遼據司
兗衆軍累討弗剋慕容氏又跨略并異七月旱八月諸郡大水兗州又
蝗十八年正月乙酉熒惑入月占曰憂在宮中非賊乃盜也一曰有亂
臣若有戮者二十一年九月帝暴崩內殿兆庶宣言夫人張氏潛行大
逆又王國寶邪狡卒伏其辜十九年四月己巳月奄歲星在尾占曰
為飢燕國亡二十年慕容垂遣息寶伐魏反為所破死者數萬人二

二十一年垂死國遂衰亡

安帝隆安元年六月庚午月奄太白在太微端門外占曰國受兵乙酉月奄熒星在東壁占曰爲飢衛地有兵二年六月和恢遣鄧啓方等以萬人伐慕容寶於滑臺啓方敗三年九月桓玄等並舉兵於是內外戒嚴四年正月乙亥月犯填星在牽牛占曰吳越有兵喪女王憂六月乙未月又犯填星在牽牛十月乙未月奄熒星在北河占曰爲飢胡有兵其四年五月孫恩破會稽殺內史謝琰後又破高雅之於餘姚死者十七八月太和大后李氏崩元興元年孫恩寇臨海人衆餓死散亡殆盡元興元年四月辛丑月奄一夜星七月大飢人相食

二年十一月辛巳月犯熒惑占悉同上三年十一月桓玄篡位放遷帝后於尋陽以求安何皇后爲遷陵君三年二月劉裕盡誅桓氏

三年二月甲辰月奄熒星於左角占曰天下兵起是年三月景辰劉裕起義兵殺桓脩等明年正月衆軍攻桓振卒滅諸桓

義熙元年四月己卯月犯填星在東壁占曰其地亡國一曰貴人死七

月己未月奄填星東壁占曰其國以伐三曰人流十月丁巳月奄填星在營室占同上十月荊州刺史魏詠之卒二年二月司馬國璠等攻沒弋陽三年司徒揚州刺史王謐薨四年正月太保武陵王遵薨三月左僕射孔安國薨

二年十二月景午月奄太白在危占曰齊國亡一曰疆國君死五年四月劉裕大軍北討慕容超卒滅之

七年六月庚子月犯歲星在畢占曰有邊兵且飢八月乙未月犯歲星在參占曰益州兵飢七月朱齡石尅蜀蜀人尋又討之

八年正月庚戌月犯歲星在畢占同上九年七月朱齡石滅蜀十二年五月甲申月犯歲星在左角占曰為飢

十四年四月壬申月犯填星於張占曰天下有大喪其明年帝崩

恭帝元熙元年七月月犯歲星占悉同上十二月丁巳月犯太白于羽林二年六月帝遜位禪宋

五星聚舍

魏明帝太和四年七月壬戌太白犯歲星占曰大白犯五星有大兵五年三月諸葛亮以大衆寇天水時宣帝為大將軍距退之

青龍二年二月己未太白犯熒惑占曰大兵起有大戰是年四月諸葛亮據渭南吳亦起兵應之魏東西奔命

惠帝元康三年填星歲星太白三歲聚于畢昴占曰為兵喪畢昴趙地也後賈后陷殺太子趙王廢后又殺之斬張華裴頠遂篡位廢帝為太上皇天下從此遘亂連禍

永寧二年十一月熒惑太白闕于虛危占曰大兵起破軍殺將虛危又齊分十二月熒惑龍衣太白于營室占曰天下兵起亡君之戒一曰易相初齊王固之京都因留輔政遂專恣無君是月成都河間檄長沙王又討之固又交戰攻焚宮闕固兵敗夷滅又殺其兄上軍將軍實以下二十餘人太安二年成都又攻長沙於是公私飢困百姓力屈

太安三年正月熒惑犯歲星占曰有戰七月左衛將軍陳眎奉帝伐成都六軍敗績

光熙元年九月填星犯歲星占曰填與歲合為內亂是時司馬越專權終以無禮破城內亂之應也十二月癸未太白犯填星占曰為內亂兵有大戰是後河間王為東海王越所殺明年正月東海王越殺諸葛玟等五月汲桑破馮嵩殺東燕王八月苟晞大破汲桑

懷帝永嘉六年七月熒惑歲星太白聚牛女之間徘徊進退案占曰牛女揚州分是後兩都傾覆而元帝中興揚土

建武元年五月癸未太白熒惑合於東井占曰金火合曰爍為喪是時愍帝蒙塵于平陽七月崩于寇庭

元帝太興二年七月甲午歲星熒惑會于東井八月乙未太白犯歲星合在翼占曰為兵飢三年六月景辰太白與歲星合于房占同上永昌元年王敦攻京師六軍敗績王敦尋死

成帝咸康三年十一月乙丑太白犯歲星于營室占曰為兵飢四年二月石季龍破幽州遷萬餘家以南五年季龍衆五萬寇河南略七千餘家而去又騎二萬圍陷邾城殺略五千餘人四年十二月癸丑太白

犯填星在箕占曰王者亡地七年慕容皝自稱燕王七年三月太白
熒惑合于太微中犯左執法明年顯宗崩八年十二月己酉太白犯
熒惑于胃占曰大兵起其後庾翼大發兵謀伐石季龍專制上流
康帝建元元年八月丁未太白犯歲星在軫占曰有大兵是年石季龍
將劉寧寇沒狄道

穆帝永和四年五月熒惑入婁犯填星占曰兵大起有喪災在趙其年
石季龍死來年冉閔殺石遵及諸胡十萬餘人其後褚裒北伐喪衆而薨
○六年三月戊戌熒惑犯歲星占曰為戰七年三月戊子歲星熒惑合
于奎其年劉顯殺石祗及諸胡帥中土大亂十二年七月丁卯太白犯
填星在柳占曰周地有大兵其年八月桓溫伐苻健退因破姚襄於伊
水定周地

升平二年八月戊午熒惑犯填星在張占曰兵大起三年八月庚午
太白犯填星在太微中占曰王者惡之五年十月丁卯熒惑犯歲星
在營室占曰大臣有匿謀曰衛地有兵時桓溫擅權謀移晉室海西

公太和元年八月戊午太白犯歲星在太微中三年六月甲寅太白奄熒惑在太微端門中六年海西公廢

簡文咸安二年正月己酉歲星犯填星在須女占曰為內亂七月帝崩桓溫擅權謀殺侍中王坦之等內亂之應

孝武寧康二年十月癸酉太白奄熒惑在營室占曰金火合為爍為兵喪太元元年七月苻堅伐涼州破之虜張天錫太元十一年十二

月己丑太白犯歲星占曰為兵飢是時河朔未平兵連在外冬大飢

十七年九月丁丑歲星熒惑填星同在元氏十二月癸酉填星去熒惑歲星猶合占曰三星合是謂譙立絕行內外有兵喪與飢改立王公

十九年十月太白填星熒惑辰星合于氐十二月癸丑太白犯歲星在斗占曰為亂飢為內兵斗吳越分至隆安元年王恭等舉兵顯王國寶之罪朝廷殺之是後連歲水旱飢

安帝隆安元年二月歲星熒惑皆入羽林占曰中軍兵起四月王恭等舉兵內外戒嚴

元興元年八月庚子太白犯歲星在上將東南占曰楚兵飢一曰災在上將 二年桓玄篡位三年劉裕盡誅桓氏 二年十月丁丑太白犯填星在婁占同上 三年二月壬辰太白熒惑合于羽林 二年十二月桓玄篡位放遷帝后三年二月劉裕起義兵桓玄逼帝東下

義熙三年十二月丁未熒惑太白皆入羽林又合于壁三年正月慕容超寇淮北徐州至下邳八月遣劉劭宣伐蜀 三年二月癸亥熒惑填星太

白辰星聚于奎婁從填星也徐州分是時慕容超僭號於齊兵連徐兗連歲寇抄至于淮泗姚興譙縱僭號秦蜀盧循及魏南北交侵其五年


劉裕北殄慕容超其六月辛卯熒惑犯辰星在翼共占曰天下兵起八月己卯太白奄熒惑占曰有大兵其四年姚略遣衆征赫連勃勃大為所

破 五年四月甲戌熒惑犯辰星在東井占曰皆為兵十二月辛丑太白犯歲星在奎占曰大兵起曾有兵是年四月劉裕討慕容超 六年二


月滅慕容超于魯地 七年七月丁卯歲星犯填星在參占曰歲填合為內亂一曰益州戰不勝亡地是時朱齡石伐蜀後竟滅之明年誅謝

混劉毅八年十月甲申太白犯填星在東井占曰秦有大兵九年二月
 景午熒惑填星皆犯東井占曰秦有兵三月壬辰歲星熒惑填星太白
 聚于東井從歲星也東井秦分十二年劉裕定關中其後遂移晉祚
 十四年十月癸巳熒惑入太微犯西蕃上將仍順行至左掖門內留二十
 日乃逆行至恭帝元熙元年三月五日出西蕃上將西三尺許又順還
 入太微時填星在大微熒惑繞填星成鉤已其年四月景戌從端門出
 占曰熒惑與填星鉤已天庭天下更紀十二月安帝母弟琅邪王踐阼
 是日恭帝來年禪于宋

志第



天文



晉書



志第三

晉書十三

御

天文下月五星犯列舍

星流隕 經星變附見

雲氣 妖星客星

月五星犯列舍經星變附見

魏文黃初四年三月癸卯月犯心大星占曰心為天王位王者惡之
月甲申太白晝見案劉向五紀論曰太白少陰弱不得專行故以己未
為界不得經天而行經天則晝見其占為兵喪為不臣為更王疆國弱
小國疆是時孫權受魏爵號而稱兵距守其十二月景子月犯心大星
占同上五年十月乙卯太白晝見占同上又歲星入太微逆行積百四十
九日乃出占曰五星入太微從右入三十日已上入主有大憂二曰有
赦至七年五月帝崩明帝即位大赦天下

六年五月壬戌熒惑入太微至壬申與歲星相及俱犯右執法至癸酉
乃出占曰從右入三十日以上入主有大憂又日月五星犯左右執法大
臣有憂二曰執法者誅金火尤甚十一月皇子東武陽王璽薨七年正
月驃騎將軍王洪免為庶人四月征南大將軍夏侯尚薨五月帝崩蜀

記稱明帝問黃權曰天下鼎立何地為正對曰當驗天文往者熒惑守心而文帝崩吳蜀無事此其徵也案三國史並無熒惑守心之文宜是入太微八月吳遂圍江夏寇襄陽大將軍宣帝救襄陽斬吳將張霸等兵喪更王之應也

明帝太和五年五月熒惑犯房占曰房四星股肱臣將相位也月五星犯守之將相有憂其七月車騎將軍張郃追諸葛亮為亮所害十二月太尉華歆薨其十一月乙酉月犯軒轅大星占曰女主憂

六年三月乙亥月又犯軒轅大星十一月景寅太白晝見南斗遂歷八十餘日恒見占曰吳有兵明年孫權遣張弼等將兵萬人錫授公孫文懿為燕王文懿斬弼等虜其眾青龍三年正月太白郭氏崩

青龍三年三月辛卯月犯輿鬼輿鬼主斬殺占曰人多病國有憂又曰大臣憂是年夏及冬大疫四年五月司徒董昭薨其五月丁亥太白晝見積三十餘日以昴度推之非秦魏則楚也是時諸葛亮據渭南宣帝與相持孫權寇合肥又遣陸議孫昭等入淮沔天子親東征蜀太秦地

則為秦魏及楚兵悉起矣其七月己巳月犯捷閉占曰有火災三年七月崇華殿災

三年六月丁未填星犯井鉞戊戌太白又犯之占曰凡月五星犯井鉞悉為兵災一曰斧鉞用大臣誅七月己丑填星犯東井距星占曰填星入井太人憂行近距為行陰其占曰大水五穀不成

景初元年夏大水傷五穀其年十月壬申太白晝旦見在尾歷二百餘日恒晝見占曰尾為燕有兵十二月戊辰月犯鉤鈴占曰王者憂

四年閏正月己巳填星犯井鉞三月癸卯填星犯東井己巳太白與月加景晝見五月壬寅太白犯畢左股第一星占曰畢為邊兵又王刑罰九月涼州塞外胡阿畢師使侵犯諸國西域校尉張就討之斬首捕虜萬計其七月甲寅太白犯軒轅大星占曰女主憂景初元年皇后毛氏崩

景初元年二月乙酉月犯房第二星占曰將相有憂其七月司徒陳矯薨二年四月司徒韓旣薨其七月辛卯太白晝見積二百八十餘日時公孫文懿自立為燕王署置百官發兵距守宣帝討滅之

二年二月己丑月犯心距星又犯中央大星五月乙亥月又犯心距星及中央大星案占曰王者惡之犯前星太子有憂三年正月帝崩太子立卒見廢其年十月甲午月犯箕占曰將軍死

正始元年四月車騎將軍黃權薨其閏十月癸丑月犯心中中央大星少帝正始元年四月戊午月犯昴東頭第一星十月庚寅月又犯昴北第四星占曰月犯昴胡不安二年六月鮮卑阿妙兒等寇西方敦煌太守王延破之斬二萬餘級三年又斬鮮卑大帥及千餘級

二年九月癸酉月犯輿鬼西北星三年二月丁未又犯西南星占曰有錢令曰大臣憂三年三月太尉滿寵薨四年正月帝加元服賜群臣錢各有差四年十月十一月月再犯井鉞是月宣帝討諸葛恪恪棄城走五年三月曹爽征蜀五年十一月癸巳填星犯元距星占曰諸侯有失國者

七年七月丁丑月犯左角占曰天下有兵左將軍死七月乙亥熒惑犯畢距星占曰有邊兵二曰刑罰用九年正月辛亥月犯元南星占曰兵起一曰軍將死七月癸丑填星犯鍵閉占曰王者不宜出宮下殿嘉

平元天子謁陵宣帝奏誅曹爽等天子野宿於是失勢嘉平元年六月
壬戌太白犯東井距星占曰國失政大臣為亂四月辛巳太白犯輿鬼占
曰大臣誅曰兵起二年三月己未太白又犯井距星三年七月王陵與
楚王彪有謀皆伏誅人王遂甲

吳孫權赤烏十三年夏五月日北至熒惑逆行入南斗秋七月犯魁第三
星而東漢晉春秋云逆行案占熒惑入南斗三月吳王死曰熒惑逆行
其地有死君太和二年權薨是其應也故國志書於吳是時王凌謀立
楚王彪謂斗中有星當有暴貴者以問知星人浩詳詳疑有故欲悅其
意不言吳有死喪而言淮南楚分吳楚同占當有王者興故凌計遂定
嘉平二年十二月景申月犯輿鬼三年四月戊寅月犯東井五月甲寅
月犯元距星占曰軍將死曰為兵是月王凌楚王彪等誅七月皇后甄
氏崩四年三月吳將為寇鎮東將軍諸葛誕破走之其年七月己巳月
犯輿鬼九月乙巳又犯之十月癸未熒惑犯元南星占曰臣有亂四年
十月丁未月又犯鬼積尸五年六月戊午太白犯角占曰群臣有謀不

成庚辰月犯箕星占曰將軍死七月月犯井鉞景午月又犯鬼西北星
占曰國有憂十一月癸酉月犯東井距星占曰將軍死正元元年正月
鎮東將軍母丘儉揚州刺史文欽反兵俱敗誅死二月李豐及弟翼
后父張緝等謀亂事泄悉誅皇后張氏廢九月帝廢為齊王蜀將姜維
攻隴西車騎將軍郭淮討破之

高貴鄉公正元二年二月戊午熒惑犯東井北轅西頭第一星甘露元年
七月乙卯熒惑犯東井鉞星壬戌月又犯鉞星八月辛亥月犯箕吳廢
孫亮大平元年九月壬辰太白犯南斗吳志所書也占曰太白犯斗國
有兵大臣有反者其明年諸葛誕及又明年孫綝廢亮吳魏並有兵事
也甘露元年九月丁巳月犯東井二年六月己酉月犯心中中央大星八月
壬子歲星犯井鉞九月庚寅歲星逆行乘井鉞十月景寅太白犯亢距
星占曰逆臣為亂人君憂景元元年五月有成濟之變及諸葛誕誅皆其
應也二年三月庚子太白犯東井占曰國失政大臣為亂是夜歲星又
犯東井占曰兵起至景元元年高貴鄉公敗三年八月壬辰歲星犯輿

鬼鎖星占曰斧鎖用大臣誅四年四月甲申歲星又犯輿鬼東南星占曰鬼東南星王兵不入鬼大臣誅景元元年殺尚書王經

元帝景元元年二月月犯建星案占月五星犯建星大臣相譖是後鍾會鄧艾破蜀會譖艾二年四月熒惑入太微犯右執法占曰人主有大憂三云大臣憂四年十月歲星守房占曰將相有憂二云有大赦明年鄧鍾會皆夷滅赦蜀土五年帝遜位

武帝咸寧四年九月太白當見不見占曰是謂失舍不有破軍必有亡國是時羊祜表求伐吳上許之五年十月兵出太白始夕見西方太康元年三月大破吳軍孫皓面縛請罪吳國遂亡

太康八年二月熒惑守心占曰王者惡之太熙元年四月乙酉帝崩惠帝元康三年四月熒惑守太微六十日占曰諸侯三公謀其上必有斬臣一曰天子亡國是春太白守畢至是百餘日占曰有急令之憂一曰相死又為邊境不安後賈石陷殺太子六年十月乙未太白晝見九年六月熒惑守心占曰王者惡之八月熒惑入羽林占曰禁兵大起

其後帝見廢為太上皇俄而三王起兵討趙王倫倫悉遣中軍兵相距累月

永康元年三月中台星折太白晝見占曰呂生失常三公憂太白晝見為不臣是月賈后殺太子趙王倫尋廢殺后斬司空張華其五月熒惑入南斗占曰宰相死兵大起斗又吳分野是時趙王倫為相明年篡位三王與師誅之

太安二年石冰破揚州其八月熒惑入箕占曰人主失位兵起明年趙王倫篡位改元二年二月太白出西方逆行入東井占曰國失政大臣為亂是時齊王囧起兵討趙王倫倫滅囧擁兵不朝專權淫奢明年誅死永寧元年自正月至于閏月五星互經天縱橫無常星傳曰日陽君道也星陰日道也日出則星亡臣不得專也晝而星見午上者為經天其占為不臣為更王今五星悉經天天變所未有也石氏說曰辰星晝見其國不亡則大亂是後台鼎方伯互執大權二帝流云遂至六夷更王迭據華夏亦載籍所未有也其四月歲星晝見五月太白晝見占同前

七月歲星守虛危占曰木守虛危有兵憂虛危齊分曰守虛饑守危
僞役煩多下屈竭辰星入太微占曰為內亂一曰群臣相殺太白守右
掖門占曰為兵為亂為賊八月戊午填星犯左執法又犯上相占曰上
相憂災惑守昴占曰魏趙有災辰星守鹽鬼占曰秦有災九月丁未月
犯左角占曰人主憂一曰左衛將軍死天下有兵二年四月癸酉熒星
晝見占曰為臣彊初齊王固定京都因留輔政遂專恣无君是月成都
河間檄長沙王又討之固又交戰攻焚宮闕固兵敗夷滅又殺其兄上
軍將軍寔以下二十餘人太安二年成都攻長沙於是公私饑困百姓力
屈 太安二年二月太白入昴占曰天下擾兵大起七月熒惑入東井占曰
兵起國亂是秋太白守太微上將占曰上將以兵亡是年冬成都河間
攻洛陽八月長沙王奉帝出距二王二年正月東海王越執長沙王又
張方又殺之 三年正月熒惑入南斗占同永康七月左衛將軍陳眎
率眾奉帝伐成都六軍敗績兵偏乘輿是時天下盜賊群起張昌尤盛
永興元年七月庚申太白犯角亢經房心歷尾箕九月入南斗占曰犯

角天下大戰犯亢有大兵入君憂入房心為兵喪犯尾箕女主憂二曰天下大亂入南斗有兵喪一曰將軍為亂其所犯守又兗豫幽冀揚州之分野是年七月有蕩陰之役九月楊浚殺幽州刺史和演攻鄴鄴潰於是兗豫為天下兵衝陳敏又亂揚士劉元海石勒李雄等並起微賤跨有州郡皇后羊氏數被幽廢皆其應也二年四月景子太白犯狼星占曰大兵起九月歲星守東井占曰有兵井又秦分野是年苟晞破公師蕃張方破范陽王彪開西諸將攻河間王顥奔走東海王迎殺之

光熙元年四月太白失行自翼入尾箕占曰太白失行而北是謂反生不有破軍必有屠城五月汲桑攻鄴魏郡太守馮嵩出戰大敗桑遂害東燕王騰殺萬餘人焚燒魏時宮室皆盡其九月丁未熒惑守心占曰王者惡之巳亥填星守房心占曰填守房多禍喪守心國內亂天下赦是時司馬越專權終以无礼破滅內亂之應也十月帝崩懷帝即位大赦天下

懷帝永嘉元年十二月丁亥星流震散彗劉向說天官列宿在位之象

其衆小星无名者衆庶之類此百官衆庶將流散之象也是後天下大
乱百官万姓流移轉死矣二年正月庚午太白伏不見二月庚子始晨
見東方是謂當見不見占同上條其後破軍殺將不可勝數帝崩虜庭
中夏淪覆三年正月庚子熒惑犯紫微占曰當有野死之王又爲火
燒宮是時太史令高堂仲奏乘輿宜遷幸不然必无洛陽五年六月劉
曜王弥入京都焚燒宮廟執帝歸平陽三年填星久守南斗占曰填
所居久者其国有福是時安東將軍琅邪王始有揚土其年十月地動
陳卓以爲是地動應也五年十月熒惑守心六年六月丁卯太白犯
太微占曰兵入天子庭王者惡之七月帝崩于寇庭天下行服大臨
元帝太興元年七月太白犯南斗占曰吳越有兵大夏二年二月甲
申熒惑犯東井占曰兵起貴臣相戮八月己卯太白犯軒轅大星占曰
後宮夏三年五月戊子太白入太微又犯上將星占曰天子自將上將
誅九月太白犯南斗十月己亥熒惑在東井居五諸侯南躡躡留積三
十日占曰熒惑守井二十日以上大夏守五諸侯諸侯有誅者永昌元

年三月王敦率江荆之衆來攻京都六軍距戰敗績人主謝過而已於是殺護軍將軍周顛尚書令刁協驃騎將軍戴若思又鎮北將軍劉隗出奔四月又殺湘州刺史譙王司馬承鎮南將軍甘卓閏十二月帝崩明帝太寧三年正月熒惑逆行入太微占曰為兵喪王者惡之閏八月帝崩後二年蘇峻反攻焚宮室太后以憂偏崩天子幽劫于石頭城遠近兵亂至四年乃息

成帝咸和六年正月景辰月入南斗占曰有兵是月石勒殺略婁武進二縣人明年石勒衆又抄略南涉海虞其十月熒惑守胃昂占曰趙魏有兵八年七月石勒死石季龍自立是時雖二石僭號而其強弱常占於昴不開太微紫宮也八年三月己巳月入南斗與六年占同其年七月石勒死彭彪以譙石生以長安郭權以秦州並歸順於是遣叔護喬球率衆救彪彪敗球退又石季龍石斌攻滅生權其七月熒惑入昴占曰胡王死一曰趙地有兵是月石勒死石季龍多所攻沒八月月又犯昴占曰胡不安九年三月己亥熒惑入輿鬼犯積尸占曰兵在西北有沒

軍死將六月八月月又犯昴是時石弘雖襲勒位而石季龍擅威橫暴十一月廢弘自立遂幽殺之

咸康元年二月己亥太白犯昴占曰兵起歲中旱四月石季龍略騎至歷陽加司徒王導太司馬治兵列戎衝要是時石季龍又圍襄陽六月旱其年二月景戌月入昴占曰胡王死八月戌戌熒惑入東井占曰無兵兵起有兵兵止十一月月犯昴二年正月辛亥月犯房南第二星八月月又犯昴九月庚寅太白犯南斗因書見占曰斗為宰相又揚州分金犯之死喪之象晝見為不臣又為兵喪其後石季龍僭稱天王發衆七萬四年二月自隴西攻段遼于薊又龍襄慕容皝於棘城不克皝擊破其將麻秋并虜段遼殺之三年七月己酉月犯房上星八月熒惑入輿鬼犯積尸甲戌月犯東井距星九月戊子月犯建星四年四月己巳太白晝見在柳占曰為兵為不臣明年石季龍大寇河南於是內外戒嚴其五月戌戌熒惑犯右執法占曰大臣死執政者憂九月太白又犯右執法彙占五星災同金火尤甚十一月戊子太白犯房上星占曰上相憂

五年四月乙未月犯畢距星占曰兵起七月己酉月犯房上星占曰將相
憂是月庚申丞相王道守薨庾冰代輔政八月太尉郗鑒薨又有河南邾
城之敗百姓流乃餘家六年正月征西大將軍庾亮薨六年三月甲辰
熒惑犯太微上將星占曰上將憂四月丁丑熒惑犯右執法占曰執政
者憂六月乙亥月犯牽牛中央星占曰大將憂是時尚書令何充為執
法有譴欲避其咎明年求為中書令其四月景牛太白犯畢距星占曰
兵革起一曰女主憂六月乙卯太白犯軒轅大星占曰女主憂七年三月
皇后杜氏崩七年二月壬午月犯房四月己丑太白入輿鬼五月太白
晝見八月辛丑月犯輿鬼八年六月熒惑犯房上第二星占曰次相憂
八月壬寅月犯畢占曰下犯上兵革起十月月又掩畢大星占同上其
建元元年車騎將軍庾冰薨庾翼大發兵謀伐石季龍專制上流朝廷
憚之

康帝建元二年正月壬午太白入昴占曰趙地有兵又曰天下兵起四月
乙酉太白晝見是年石季龍殺其子邃又遣將寇沒狄道及屯蓊東謀

慕容晁三年歲星犯天關安西將軍庾翼與兄冰書曰歲星犯天關占云關梁當分北來江東无他故江道亦不艱難而石季龍頻年再閉關不通信使此復天公憤憤无阜白之徵也其閏月乙酉太白犯斗占曰為喪天下受爵祿九月帝崩太子立大赦賜爵

穆帝永和元年正月丁丑月入畢占曰兵大起戊寅月犯天關占曰有乱臣更天子之法五月辛巳太白晝見在東井占曰為呂彊秦有兵六月辛丑月入太微犯屏西南星占曰輔臣有免罷者七月八月月皆犯畢占同上己未月犯輿鬼占曰大臣有誅九月庚戌月又犯畢是年初庾翼在襄陽七月翼疾將終輒以子爰之為荊州刺史代己任爰之尋被廢明年桓溫又輒率衆伐蜀執李勢送至京都蜀本秦地也

二年二月壬子月犯房上星四月景戌月又犯房上星八月壬申太白犯右執法三年正月壬午月犯南斗第五星占曰將軍死近臣去五月壬申月犯南斗第四星因入魁占曰有兵二曰有大赦六月月犯東井距星占曰將軍死國有憂戊戌月犯五諸侯占曰諸侯有誅九月庚寅太白犯

南斗第五星占曰為喪為兵四年七月景申太白犯左執法甲寅月犯
房丁巳入南斗犯第二星乙丑太白犯左執法占悉同上十月甲辰月
犯元占曰兵起將軍死十月戊戌月犯上將星三年六月大赦是月陳
逵征壽春敗而還七月氏蜀餘寇反亂益主九月石季龍伐涼州五年
征北大將軍褚裒卒五年四月太白入昴是時戎晉相侵趙地連兵尤
甚七月太白犯軒轅占曰在趙及為兵喪甲寅月犯房十月甲戌月犯
亢占曰兵起將軍死八月石季龍太子宣殺弟韜宣亦死其十一月戊戌
月犯上將星五年正月石季龍僭號稱皇帝尋死五年四月丁未太白
犯東井占曰秦有兵九月戊戌太白犯左角占曰為兵十月月犯昴占曰
胡有憂將軍死是年八月褚裒北征兵敗十月閏中二十餘壁秦兵內附
石遵攻沒南陽十月冉閔殺石遵又盡殺胡十餘萬人於是趙魏大亂
十二月褚裒薨八年劉顯苻健慕容儁並僭號躬浩北伐敗績見廢
六年二月辛酉月犯心大星占曰大人憂又豫州分野也丁丑月犯房占
曰將相憂六月己丑月犯昴占同上乙未月犯五諸侯占同上七月壬

寅月始出西方犯左角占曰大將軍死曰天下有兵丁未月犯箕占曰將軍死景寅熒惑犯鉞星占曰大臣有誅八月辛卯月犯左角太白晝見在南斗月犯右執法占並同上是歲司徒蔡謨免為庶人七年二月太白犯昴占同上三月乙卯熒惑入輿鬼犯積尸占曰貴人有憂五月乙未熒惑犯軒轅大星占曰女主憂太白入畢口犯左股占曰將相當之六月乙亥月犯箕占曰國有兵景子月犯斗丁丑熒惑入太微犯右執法八月庚午太白犯軒轅戊子太白犯右執法占悉同上七年劉顯殺石祗及諸將帥山東大亂疾疫死亡八年三月戊戌月犯軒轅大星癸丑月入南斗犯第二星五月月犯心星六月癸丑月犯房七月壬子歲星犯東井距星占曰內亂兵起八月戊戌熒惑犯輿鬼占曰忠臣戮死景辰太白入南斗犯第四星占曰將為亂曰丞相免九年二月乙巳月入南斗犯第三星三月戊辰月犯房八月歲星犯輿鬼東南星占曰兵起是時帝幼冲母后稱制將相有隙兵革連起慕容儼號稱燕王攻伐不休十年正月己卯月蝕昴星占曰趙魏有兵癸酉填星奄鉞星占曰

斧鉞用三月甲寅月犯心大星占曰王者惡之七月庚午太白晝見畧
度推之災在秦鄭九月辛酉太白犯左執法是時桓溫擅命朝臣多見
迫脅四月溫伐符健破其嶢柳軍十二月慕容恪攻齊十年三月辛亥
月奄軒轅占同上四月庚寅月犯牛宿南星占曰國有憂八月己未太
白犯天江占曰河津不通 十二年六月庚子太白晝見在東井占如上
己未月犯鉞星八月癸酉月奄建星九月戊寅熒惑入太微犯西蕃上
將星十月丁丑熒惑犯太微東蕃上將星 十二年十一月齊城陷執段
龕殺三千餘人

永和三年鮮卑侵略河冀升平元年慕容儁遂據臨漳盡有幽并青冀
之地緣河諸將奔散河津隔絕時權在方伯九服交兵

升平元年四月壬子太白入輿鬼丁亥月奄井南轅西頭第二星占曰
秦地有兵一曰將死六月戊戌太白晝見在軫占同上軫是楚分野壬
子月犯畢占曰為邊兵七月辛巳熒惑犯天江占曰河津不通十一月
歲星犯房占曰豫州有災其年五月符堅殺苻生而立十二月慕容儁

入屯鄴二年八月豫州刺史謝奕薨二年十二月辛卯填星犯軒轅
大星占曰人主惡之甲午月犯東井六月辛酉月犯房十月己未太白
犯哭星占曰有大哭泣三年正月壬辰熒惑犯鍵閉星按占曰人主憂
三月乙酉熒惑逆行犯鉤鈴按占王者惡之六月太白犯東井七月乙
酉熒惑犯天江景戌太白犯輿鬼占悉同上戊子月犯牽牛中央大星
占曰牽牛天將也犯中央大星將軍死八月丁未太白犯軒轅大星甲
子月犯畢大星占曰為邊兵一曰下犯上三年十月諸葛攸舟軍入河
敗績豫州刺史謝方入朝衆潰而歸方除名十一月司徒會稽王以郗
曇謝方二鎮敗求自貶三等四年正月慕容儁死子暉代立慕容恪殺
其尚書令陽騫等四年正月乙亥月犯牽牛中央大星六月辛亥辰星
犯軒轅占曰女主憂己未太白入太微右掖門從端門出占曰貴奪勢
一曰有兵又曰出端門臣不臣八月戊申太白犯氐占曰國有憂景辰
熒惑入太微西蕃上將星九月壬午太白入南斗口犯第四星占曰為
喪有赦天下受爵祿十二月甲寅熒惑犯房景寅太白書見庚寅月犯

鍵閉占曰人君惡之 五年正月乙巳填星逆行犯太微五月壬寅月犯太微庚戌月犯建星占曰大臣相謀是時殷浩敗績卒致遷徙其月辛亥月犯牽牛宿占曰國有憂六月癸亥月犯氐東北星占曰大將當之五年正月北中郎將郝曇薨五月帝崩哀帝立大赦賜爵褚后失勢七月慕容恪攻異州刺史呂護於野王護奔熒陽是時桓溫以大衆次死聞護敗乃退 五年六月癸酉月奄氐東北星占曰大將軍當之九月乙酉月奄畢占曰有邊丘十月丁未月犯畢大星占曰下犯上又曰有邊兵八月范汪廢隆和元年慕容暉遣將寇河陰

哀帝興寧三年七月庚戌月犯南斗占曰女主憂歲星犯輿鬼占曰人君憂十月太白晝見在元占曰元為朝廷有兵喪為臣彊明年五月皇后庾氏崩海西太和二年正月太白入昴五年慕容暉為苻堅所滅又據襄幽并四州 六年閏月熒惑守入太微端門占曰天子亡國又曰諸侯三公謀其上二曰有斬臣辛卯月犯心大星占曰王者惡之十月桓溫廢帝并奏誅武陵王簡文不許溫乃徙之新安皆臣彊之應也

簡文咸安元年十二月辛卯熒惑逆行入太微二年三月猶不退占曰國不安有憂是時帝有桓溫之逼二年五月丁未太白犯天關占曰兵起歲星形色如太白占曰進退如度茲邪息變色亂行主无福歲星於仲夏當細小而不明此其失常也又為呂彊六月太白晝見在七星乙酉太白犯輿鬼占曰國有憂七月帝崩桓溫以兵威擅權將誅王坦之等内外迫脅又庾希入京城盧悚入宮並誅滅之

孝武寧康元年正月戊申月奄心大星案占曰災不在王者則在豫州一曰主命惡之三月景午月奄南斗第五星占曰大臣有憂死亡一曰將軍死七月桓溫薨九月癸巳熒惑入太微是時女主臨朝政事多缺二年閏月己未月奄牽牛南星占曰左將軍死十二月甲申太白晝見在氐氏兗州分野三年五月景午北中郎將王坦之薨三年六月辛卯太白犯東井占曰秦地有兵九月戊申熒惑奄左執法占曰執法者死太元元年苻堅破涼州二年十月尚書令王彪之卒太元元年四月景戌熒惑犯南斗第三星景申又奄第四星占曰兵大

起中國饑一曰有赦八月癸酉太白晝見在氐氐兖州分野九月熒惑犯哭泣星遂入羽林占曰天子有哭泣事中軍兵起十一月己未月奄氐角占曰天下有兵一曰國有憂三年正月熒惑守羽林占曰禁兵大起九月壬午太白晝見在角角兖州分野升平元年五月大赦三年八月秦人寇樊鄧襄陽彭城四年二月襄陽陷朱序沒四月魏興陷賊聚廣陵三河衆五六方於是諸軍外次衝要丹陽尹屯衛京都六月兖州刺史謝玄討賊大破之是時中外連兵比年荒儉四年十月丁巳太白犯哭泣星占曰天子有哭泣事五年七月景子辰星犯軒轅占曰女主當之九月癸未皇后王氏崩六年九月景子太白晝見七年十一月太白又晝見在斗占曰吳有兵喪八年四月甲子太白又晝見在參占曰魏有兵喪是月桓冲征沔漢楊亮伐蜀並拔城略地八月苻堅自將號百萬九月攻沒壽陽十月劉牢之破苻堅將梁成斬之殺獲萬餘人謝玄等又破堅於淝水斬其弟融堅大衆奔潰九年六月皇太后褚氏崩八月謝玄出屯彭城經略中州九年七月景戌太白晝見十一

月丁巳又晝見 十年四月乙亥又晝見于畢昴占曰魏國有兵喪是時
苻堅大衆奔潰趙魏兵連相攻堅為姚萇所殺 十一年三月戊申太白
晝見在東井占曰秦有兵臣彊六月甲申又晝見于輿鬼占曰秦有兵
時魏姚萇苻登連兵相征不息甲午歲星晝見在胃占曰魯有兵臣彊
十二年慕容垂寇東阿翟遼寇河上姚萇假號安定苻登自立隴上呂
光竊據涼土 十二年六月癸卯太白晝見在柳十月庚午太白晝見在
斗 十三年正月景戌又晝見十二月癸惑在角亢形色猛盛占曰癸惑
失其常吏且棄其法諸侯亂其政自是後慕容垂翟遼姚萇苻登慕容
永並阻兵爭彊十四年正月彭城妖賊又稱號於皇丘劉牢之破滅之
三月張道破合鄉圍泰山向欽之擊走之是年翟遼又攻沒滎陽侵略
陳項于時政事多敝君道陵遲矣 十四年四月己巳太白晝見于柳六
月辛卯又晝見于翼九月景寅又晝見于軫十二月癸惑入羽林占並
同上十五年翟遼掠司兗衆軍累討不尅慕容垂又跨略并翼等州七
月旱八月諸郡大水兗州又蝗 十五年九月癸未癸惑入太微十月太

白入羽林 十六年四月癸卯朔太白晝見十一月癸巳月奄心前星占曰
太子憂是時太子常有篤疾 十七年七月丁丑太白晝見十月丁酉又
晝見 十八年六月又晝見 十九年五月又晝見于柳六月辛酉又晝見
于輿鬼九月又見于軫 二十年六月熒惑入天囷占曰大饑七月丁亥
太白晝見在大微占曰太白入太微國有憂晝見為兵喪十二月己巳
月犯鍵閉及東西咸占曰鍵閉司心腹喉舌東西咸主陰謀 二十一年
二月壬申太白晝見三月癸卯太白連晝見在羽林占曰有彊臣有兵
喪中軍兵起三月太白晝見于胃占曰中軍兵起四月壬午太白入天
囷占曰為饑六月歲星犯哭泣星占曰有哭泣事是年九月帝崩隆安
元年王恭等舉兵脅朝廷於是內外戒嚴殺王國寶以謝之又連歲水
旱三方動衆人饑

安帝隆安元年正月癸亥熒惑犯哭泣星占曰有哭泣事四月丁丑太
白晝見在東井占曰秦有兵喪六月姚興攻洛陽郗恢遣兵救之冬姚
萇死子略代立魏王圭即位於中山其年八月熒惑守井鉞占曰大臣

有誅 二年六月戊辰攝提移度失常歲星晝見在胃兗州分野是年六月却恢遣鄧啓方等以萬人伐慕容寶於滑臺敗而還閏月太白晝見在羽林丁丑月犯東上相 三年五月辛酉月又奄東上相辛未辰星犯軒轅大星占采同上二年九月庚措等舉兵表誅王恂等於是內外戒嚴三年六月洛陽没于寇桓玄破荆雍州殺殷仲堪等孫恩聚眾攻没會稽殺內史 四年六月辛酉月犯哭泣星五年正月太白晝見自去年十二月在斗晝見至于是月乙卯案占災在吳越七月癸亥大角星散搖五色占曰王者流散丁卯月犯天關占曰王者憂九月庚子熒惑犯少微又守之占曰處士誅十月甲子月犯東次相其年七月太皇太后李氏崩十月妖賊大破高雅之族餘姚死者十七八年孫恩攻侵郡縣殺內史至京口進軍蒲洲於是內外戒嚴恩遣別將攻廣陵殺三千餘人退據郁州是時劉裕又追破之九月桓玄表至逆百陵上十月司馬元顯大治水軍將以伐玄元興元年正月盧循自稱征虜將軍領孫恩餘眾略有永嘉晉安之地二月帝戎服遣西軍三月桓玄剋京都殺

晉書卷三十三
司馬元顯放太傅會稽王道子

元興元年三月戊子太白犯五諸侯因晝見占曰諸侯有誅七月戊寅
熒惑在東井熒惑犯輿鬼積尸占並同上八月景寅太白奄右執法九月
癸未太白犯進賢占曰進賢者誅二年二月歲星犯西上將六月甲辰
月奄斗第四星占曰大臣誅不出三年八月癸丑太白犯房北第二星
九月己丑歲星犯進賢熒惑犯西上將十月甲戌太白犯泣星十一月
丁丑熒惑犯東上相十二月乙巳月奄軒轅第二星占悉同上升平元
年冬魏破姚興軍二年十一月桓玄篡位放遷帝后於尋陽以永安何
皇后爲零陵君三年二月劉裕盡誅桓氏三年正月戊戌熒惑逆行犯
太微西上相占曰天子戰於野上相死二月景辰熒惑逆行在左執法
西北占曰執法者誅四月甲午月奄軒轅第二星五月壬申月奄斗第
二星填星入羽林占並同上是年二月景辰劉裕殺桓脩等三月己未
破走桓玄遣軍西討辛巳誅左僕射王愉桓玄劫天子如江陵五月玄
下至崢嶸洲義軍破滅之桓振又攻沒江陵幽劫天子七月永安何皇

右崩

義熙元年三月壬辰月奄左執法占同上酉月奄心前星占曰豫州有災太白犯東井占曰秦有兵七月庚辰太白晝見在翼軫占曰爲臣彊荊州有兵喪分月丁巳犯斗第一星占曰天下有兵一曰大臣憂九月甲子熒惑犯少微占曰凡士誅庚寅熒惑犯右執法癸卯熒惑犯左執法占並同上十一月景戌太白犯鉤鈴占曰喉舌憂十二月己卯歲星犯天關占曰有兵亂河津不通十一月荊州刺史魏詠之薨二年二月司馬國璠等攻沒弋陽四月姚興伐仇池公揚盛擊走之九月益州刺史司馬榮期爲其衆軍揚承祖所害三年十二月司徒揚州刺史王謚薨四年正月太保武陵王遵薨三月左僕射孔安國卒自後政在劉裕人主端拱而已二年二月太白犯南河占曰兵起己丑月犯心後星占曰豫州有災四月癸丑月犯太微西上將己未月犯房南第一星乙丑歲星犯天江占曰有兵亂河津不通五月癸未月犯左角占曰左將軍死天下有兵壬寅熒惑犯心占曰心爲宿宮人主憂六月庚午熒惑

犯房北第二星八月癸亥熒惑犯南斗第五星丁巳犯建星占曰為兵九月壬午熒惑哭星又犯泣星是年二月甲戌司馬國璠等攻沒弋陽又慕容超侵略徐兗三年正月又寇北徐州至下邳十二月司徒王謐薨四年正月武陵王遵薨五年慕容超復寇淮北四月劉裕大軍討之拔臨朐入圍廣固拔之三年正月景子太白晝見在奎三月庚申月奄心後星占同上五月癸未月犯左角巳丑太白晝見在參占曰益刑有兵喪巨彊八月巳卯太白犯左執法辛卯熒惑犯左執法九月壬子熒惑犯進賢星是年八月劉歆宣伐蜀不剋而旋四年二月左僕射孔安國卒七月司馬叔璠等攻沒鄒山魯郡太守徐邕破走之姚略遣眾征赫連勃勃大為所破五年劉裕討慕容超滅之四年正月庚子熒惑犯天關五月丁未月奄斗第二星壬子填星犯天廩占曰天下饑倉粟少六月巳丑太白犯太微西上將乙卯又犯左執法十月戊子熒惑入羽林占悉同上五年劉裕討慕容超後南北軍旅運轉不息五年二月甲子月犯昴占曰胡不安天子破匈奴五月戊戌歲星入羽林九月壬

寅月犯昴十月熒惑犯氐閏月丁酉月犯昴辛亥熒惑犯鉤鈴己巳月
奄心大星占曰王者惡之是年四月劉裕討慕容超十月魏王圭遇弒
殂六年五月盧循逼郊甸宮衛被甲六年三月丁卯月奄房南第二星
災在次相己巳又奄斗第五星占曰斗主吳地兵起太白犯五諸侯
占曰諸侯有誅五月甲子月奄斗第五星己亥月奄昴第三星占曰國有
憂二曰有白衣之會六月己丑月犯房南第二星甲午太白晝見七月
己亥月犯輿鬼占曰國有憂二曰秦有兵八月壬午太白犯軒轅大星
甲申月犯心前星災在豫州景戌月犯斗第五星占同上丁亥月奄牛
宿南星占曰天下有大誅乙未太白犯少微景午太白在少微而晝見
九月甲寅太白犯左執法丁丑填星犯畢占曰有邊兵是年三月始興
太守徐道覆反四月盧循寇湘中沒巴陵率衆逼京畿是月左僕射孟
昶懼王威不振仰藥自殺七年十二月劉蕃梟徐道覆首杜慧度斬盧
循並傳首京都八年六月劉道規卒時為豫州刺史八月皇后王氏崩
九月兖州刺史劉蕃尚書左僕射謝混伏誅劉裕西討劉毅斬首徇之

十二月遣益州刺史朱齡石伐蜀 七年四月辛丑熒惑入輿鬼占曰秦
有兵二曰雍州有災六月太白晝見在翼巳亥填星犯天關占曰臣謀
主八月太白犯房南第二星十一月景子太白犯哭星其七月朱齡石
剋蜀蜀又反討滅之八年七月癸亥月奄房北第二星巳未月犯井鉞
八月戊申月犯泣星十月辛亥月奄天關占曰有兵十月丁丑填星
犯東井占曰大人憂十二月癸卯填星犯井鉞是年八月皇后王氏崩
九年誅劉蕃謝混討滅劉毅十一月朱齡石滅蜀 九年三月熒惑犯輿
鬼占曰有兵喪太白犯南河占曰兵起五月壬辰太白犯右執法晝見
七月庚午月奄鉤鈴占曰喉舌臣憂九月庚午歲星犯軒轅大星巳丑
月犯左角時劉裕擅命兵革不休十年裕討司馬休之王師不利休之
等奔長安 十年正月丁卯月犯畢占曰將相有以家坐罪者二月巳酉
月犯房北星五月壬寅月犯牽牛南星乙丑歲星犯軒轅大星占悉同
上六月景申月奄氐占曰將死之国有誅者七月庚辰月犯天關占曰
兵起熒惑犯井鉞填星犯輿鬼遂守之占曰大人憂宗廟改八月丁酉

月奄牽牛南星占同上九月填星犯輿鬼占曰人主憂丁巳太白入羽
林十二月巳酉月犯西咸占曰有陰謀十二年林邑寇交州距敗之
十年三月丁巳月入畢占曰天下兵起一曰有邊兵巳卯熒惑入輿鬼
閏月景午填星又入輿鬼占曰為旱于大疫為亂臣五月癸卯熒惑入太
微甲辰犯右執法六月巳未太白犯東井占曰秦有兵戊寅犯輿鬼占
曰国有憂七月辛丑月犯畢占同上八月壬子月犯氐占同上庚申太
白順行從右掖門入太微丁卯奄左執法十月癸亥月入畢占同上
乙未月入輿鬼而暈十二年五月甲申熒星留房心之間宋之分野始
封劉裕為宋公六月壬子太白順行入太微右掖門巳巳月犯畢占同
上七月月犯牛宿十月景戌月入畢十三年五月景子月犯軒轅丁亥
犯牽牛癸巳熒惑犯右執法八月巳酉月犯牽牛丁卯月犯太微占曰
人君憂九月壬辰熒惑犯軒轅十月戊申月犯畢占悉同上月犯箕占
曰国有憂甲寅月犯畢占同上乙卯填星犯太微留積七十餘日占曰
云君之戒壬戌月犯太微十四年三月癸巳太白犯五諸侯五月庚子

月犯太微七月甲辰熒惑犯輿鬼占曰秦有兵又為旱為兵喪亦曰大人憂宗廟改亦為亂臣時劉裕擅命軍旅數與譏旱相屬其後卒移晉室于己月犯東井占曰軍將死八月甲子太白犯軒轅癸酉填星入太微犯右執法因留太微中積二百餘日乃去占曰填星守太微云君之戒有徙王九月乙未太白入太微犯左執法丁巳入太微占曰大人憂十月甲申月入太微癸巳熒惑入太微犯西蕃上將仍順至左掖門內留二十日乃逆行義熙十二年七月劉裕伐姚泓十三年八月擒姚泓司徒秦雍悉平十四年劉裕還彭城受宋公十月左僕射前將軍劉穆之卒明年西虜寇長安雍州刺史朱齡石諸軍啗沒官軍捨而東十二月帝崩

恭帝元熙元年正月景午三月壬寅五月景申月皆犯太微占悉同上乙卯辰星犯軒轅六月庚辰太白犯太微七月己卯月犯太微太白晝見自義熙元年至是太白經天者九月蝕者四皆從上始革更王臣災君之象也是夜太白犯哭星十二月丁巳月入太白俱入羽林二年三

月庚午填星犯太微占悉同上元年七月劉裕受宋王是年六月帝遜位于宋

妖星客星

魏文帝黃初三年九月甲辰客星見太微左掖門內占曰客星出太微國有兵喪十月帝南征孫權是後累有征役六年十月乙未客星于少微歷軒轅占為兵喪除舊布新之象時帝軍廣陵辛丑親御甲冑觀兵明年五月帝崩

明帝太和六年十一月景寅有星孛于翼近太微上將星占曰為兵喪甘氏曰孛彗所當之國是受其殃翼文楚分野孫權封略也明年權有遼東之敗又明年諸葛亮入秦川孫權發兵緣江淮屯要衝權自圍新城以應亮天子東征權

青龍四年十月甲申有星孛于大辰長三尺乙酉又孛于東方十一月己亥彗星見犯官者天紀星占曰大辰為天王天下有喪劉向五紀論曰春秋星孛于東方不言宿者不加宿也官者在天而為中外有兵天

紀為地震彗主兵喪

景初元年六月地震九月吳將朱然圍江夏皇后毛氏崩二年正月討
公孫文懿三年正月明帝崩 景初二年八月彗見張長三尺逆西行四
十一日滅占同上張周分野十月癸巳客星見危逆行在離宮北騰蛇
南甲辰犯宗星己酉滅占曰客星所出有兵喪虛危為宗廟又為墳墓
客星近離宮則宮中將有大喪就先君於宗廟之象也三年正月帝崩
少帝正始元年十月乙酉彗星見西方在尾長二丈拂牽牛犯太白十
一月甲子進犯羽林占曰尾為燕又為吳牛亦吳越之分太白為上相羽
林中軍兵為吳越有喪中軍兵動二年五月吳遣三將寇邊吳太子登
卒六月宣帝討諸葛恪於皖太尉滿寵薨 六年八月戊午彗星見七星
長二尺色白進至張積二十三日滅 七年十一月癸亥又見軫長一尺
積百五十六日滅 九年三月又見昴長六尺色青白芒西南指七月又
見翼長二尺進至軫積四十二日滅按占曰七星張為周分野翼軫為
楚昴為趙魏彗所以除舊布新主兵喪也嘉平元年宣帝誅曹爽兄弟

及其黨與皆夷三族京師嚴兵三年誅楚王彪又龍襄王凌於淮南淮南東楚也魏諸王幽于鄴

嘉平三年十一月癸亥有星孛于營室西行積九十日滅占曰有兵喪室為後宮後宮且有亂 四年二月丁酉彗星見西方在胃長五六丈色白芒南指貫參積二十日滅 五年十一月彗星又見軫長五丈在大微左執法西東南指積百九十日滅按占胃兗州之分野參主兵太微天子庭執法為執政孛彗為兵喪除舊布新之象正元元年二月李豐豐弟翼后父張緝等謀亂皆誅皇后亦廢九月廢帝為齊王高貴鄉公正元元年十一月白氣出南斗側廣數丈長竟天王肅曰蚩尤之旗也東南其有亂乎二年正月有彗星見于吳楚分西北竟天鎮東大將軍毋丘儉等據淮南叛景帝討平之按占蚩尤旗見王者征伐四方自後又征淮南西平巴蜀是歲吳主孫亮五鳳元年斗牛吳越分按占吳有兵喪除舊布新之象也太平二年孫綝盛立圍宮廢亮為會稽王故國志又書於吳也淮南江東同揚州地故于時變見吳楚楚之分則魏之淮南多

與吳同災是以母立儉以孝為己應遂起兵而敗後三年即魏甘露二年諸葛誕又反淮南吳遣將救之及城陷誕衆與吳兵死沒各數萬人猶前長星之應也

甘露二年十一月彗星見角色白占曰彗星見兩角間色白者軍起不戰邦有大喪景元元年高貴鄉公為成濟所害四年十月丁丑客星見太微中轉東南行歷軫宿積七日滅占曰客星出太微有兵喪景元元年高貴鄉公被害

元帝景元三年十一月壬寅彗星見元色白長五寸轉北行積四十五日滅占曰為兵喪一曰彗星見元天子失德四年鍾會鄧艾伐蜀刻之二將反乱皆誅

咸熙二年五月彗星見王良長丈餘色白東南指積十二日滅占曰王良天子御駟彗星埽之禪代之表除舊布新之象也白色為喪王良在東壁宿又并州之分野八月文帝崩十二月武帝受魏禪

武帝泰始四年正月景戌彗星見軫青白色西北行又轉東行占曰為

兵喪軫又楚分野三月皇太后王氏崩十月吳寇江夏襄陽

五年九月星孛于紫宮占如上紫宮天子內宮十年武元楊皇后崩十年十二月有星孛于軫占曰天下兵起軫又楚分野

咸寧二年六月甲戌星孛于氐占曰天子失德易政氐又兗州分七月星孛大角大角為帝坐八月星孛太微至翊北斗三台占曰太微天子庭大人惡之一曰有改王翼又楚分野北斗主殺罰三台為三公

三年正月星孛于西方三月星孛于胃胃徐州分四月星孛女御女御為後宮五月又孛于東方七月星孛紫宮占曰天下易王四年四月蚩尤旗見于東井後年傾三方伐吳是其應也五年三月星孛于柳四月又孛于女御七月孛于紫宮占曰外臣陵主柳又三河分野大角太微紫宮女御並為王者明年吳亡是其應也孛主兵喪征吳之役三河徐兗之兵悉出交戰於吳楚之地吳丞相都督以下梟戮十數偏裨行陣之徒馘斬萬計皆其徵也

太康二年八月有星孛于張占曰為兵喪十一月星孛于軒轅占曰後

宮當之 四年三月戊申星孛于西南是年齊王攸任城王陵琅邪王由
新都王詠薨 八年九月星孛于南斗長數十丈十餘日滅占曰斗主
爵祿國有大憂一曰孛于斗王者疾病天下易政大亂兵起

太熙元年四月客星生在紫宮占曰為兵喪太康末武帝耽宴遊多疾病
是月己酉帝崩永平元年賈后誅楊駿及其黨與皆夷三族楊太后亦
見弑又誅汝南王亮太保衛瓘楚王偉王室兵喪之應也

惠帝永康五年四月有星孛于奎至軒轅太微經三台太陵占曰奎為
魚貝又為庫兵軒轅為後宮太微天子庭三台為三司太陵有積尸死喪
之事其後武庫火西羌反後五年司空張華遇禍賈后廢死曾公賈謚
誅又明年趙王倫篡位於是三王興兵討倫兵士戰死十餘萬人

永康元年三月妖星見南方占曰妖星出天下大兵將起是月賈后殺
太子趙王倫尋廢殺后斬司空張華又廢帝自立於是三王並起迭摠
天權其十二月彗星出牽牛之西指天市占曰牛者七政始彗出之改
元易號之象也天市一名天府一名天子旗帝坐在其中明年趙王倫

篡位改元尋為大兵所滅二年四月彗星見齊分占曰齊有兵喪是時齊王固起兵討趙王倫倫滅固擁兵不朝專權淫奢明年誅死

太安元年四月彗星晝見二年三月彗星見東方指三台占曰兵喪之象三台為三公三年正月東海王越執太尉長沙王又張方又殺之

永興元年五月客星守畢占曰天子絕嗣一曰大臣有誅時諸王擁兵其後惠帝失統終無繼嗣二年八月有星孛于昴畢占曰為兵喪昴

畢又趙魏分野十月丁丑有星孛于北斗占曰璇璣更授天子出走又曰強國發兵諸侯爭權是後諸王交兵皆有應明年惠帝崩

成帝咸和四年七月有星孛于西北犯斗二十三日滅占曰為兵亂十

二月郭默殺江州刺史劉胤荊州刺史陶侃討默斬之時石勒又始僭號

咸康二年正月辛巳彗星夕見西方在奎占曰為兵喪奎又為邊兵三

年正月石季龍僭天王位四年石季龍伐慕容皝不剋既退皝追擊季之

又破麻秋時皝稱蕃邊兵之應也六年二月庚辰有星孛于太微

七年三月杜皇后崩

康帝建元元年十月六日彗星見元長七尺白色占曰元為朝廷主
兵喪二年康帝崩

穆帝永和五年十月乙卯彗星見于元芒西向色白長一丈六年正
月丁丑彗星又見于元占曰為兵喪疾疫其五年八月褚裒北征兵敗
十一月冉閔殺石遵又盡殺胡十餘萬於是中土大亂十二月褚裒薨
是年大疫升平二年五月丁亥彗星出天船在胃占曰為兵喪除舊布
新出天船外夷侵二曰為大水四年五月天下大水五年穆帝崩

哀帝興寧元年八月有星孛于角元入天市按占曰為兵喪三年正月
皇后王氏崩二月帝崩三月慕容恪攻沒洛陽沈勁等戰死

海西太和四年二月客星見紫宮西垣至七月乃滅占曰客星守紫宮
臣弑主六年桓溫廢帝為海西公

孝武寧康二年正月丁巳有星孛于女虛經氏元角軫翼張至三月景
戊彗星見于氏九月丁丑有星孛于天市占曰為兵喪太元元年七月
苻堅破涼州虜張天錫

太元十一年三月客星在南斗至六月乃沒占曰有兵有赦是後司雍
究異常有兵役十二年正月大赦八月又大赦十五年七月壬申有
星孛于北河或經太微三台文昌入北斗色白長十餘丈八月戊戌入
紫微乃滅占曰北河或一名胡門胡門有兵喪婦太微入紫微王者當
之三台為三公文昌為將相三公有災入北斗諸侯戮二曰婦北斗彊
國發兵諸侯爭權大人憂二十年帝崩隆安元年王恭躬仲堪桓玄
等並發兵表以誅王國寶為名朝廷順而殺之并斬其從弟緒司馬道
子由是失勢禍亂成矣十八年二月客星在尾中至九月乃滅占曰
燕有兵喪二十年慕容垂息寶伐魏為所破死者數萬人二十一年
垂死國遂衰亡二十年九月有蓬星如粉絮東行南歷女虛至哭星
占曰蓬星見不出三年必有亂臣戮死於市是時王國寶交構朝廷二
十二年九月帝崩

隆安元年王恭等興兵而朝廷殺王國寶王緒

安帝隆安四年二月己丑有星孛奎長三丈上至閣道紫宮西蕃入北

斗魁至三台三月遂經于太微帝坐端門占曰彗星埽天下庭闔道易
主之象經三台入北斗占同上條十二月戊寅有星孛于貫索天市天
津占曰貴臣獄死内外有兵喪天津為賊斷主道天下不通按占災在
吳越五年二月有孫恩兵亂攻侵郡國於是内外戒嚴營陣屯守柵斷
淮口九月桓玄表至逆旨陵上其後玄遂篡位亂京都大饑人相食
百姓流亡皆其應也

元興元年十月有客星色白如粉絮在太微西至十二月入太微占曰
兵入天子庭二年十二月桓玄篡位放迁帝后於尋陽以永安何皇后
為迁陵君三年二月劉裕盡誅桓氏

義熙十年五月甲申彗星二出天市埽帝坐在房心北房心宋之分
野按占得彗柄者興除舊布新家興之象十四年五月庚子有星孛于
北斗魁中七月癸亥彗星出太微西柄起上相星下芒漸長至于餘丈
進埽北斗紫微中台占曰彗出太微社稷亡天下易王入北斗紫微帝
宮空十四年劉裕還彭城受宋公十二月安帝崩

恭帝元年正月戊戌有星孛于太微西蕃占革命之徵其年宋有天下
星流隕

蜀後主建興十三年諸葛亮帥大衆伐魏屯于渭南有長星赤而芒角
自東北西南流投亮營三投再還往大還小占曰兩軍相當有大流星
來走軍上及隊軍中者皆破敗之徵也九月亮卒于軍焚營而退群師
交怨多相誅殘

魏明帝景初二年宣帝圍公孫文懿於襄平八月景雲夜有大星長數
十丈白色有芒鬚從首山東北流墜襄平城東南占曰圍城而有流星
來走城上及隊城中者破又曰星墜當其下有戰場又曰凡星所墜國
易姓九月文懿突圍走至星墜所被斬屠城坑其衆

元帝景元四年六月有大流星二並如斗見西方分流南北光照地隆
隆有聲按占流星為貴使星大者使大是年鍾鄧克蜀二星蓋二帥之
象二帥相背又分流南北之應鍾會既叛三軍憤怒隆隆有聲其將怒之
徵也

武帝泰始四年七月星隕如雨皆西流占曰星隕為百姓叛西流吳人歸晉之象也二年吳夏口督孫秀率部曲二千餘人來降

太康九年八月壬子星隕如雨劉向傳云下去其上之象後三年帝崩而惠帝立天下自此亂矣

惠帝元康四年九月甲午枉矢東北行音天六年六月景午夜有枉矢自斗魁東南行按占曰以亂伐亂北斗主執殺出斗魁居中執殺者不直之象也是後趙王殺張裴廢賈后以理太子之寃因自篡盜以至屠滅以亂伐亂之應一曰氐帥齊万年反之應也

太安年十一月辛巳有星晝隕中天北下光變白有聲如雷按占名曰營首營首所在下有太兵流血明年劉元海石勒攻略并州多所殘滅王浚起燕代引鮮卑攻略鄴中百姓塗地有聲如雷怒之象也

永興元年七月乙丑星隕有聲二年十月星又隕有聲占同上是後遂亡中夏

光熙元年五月枉矢西南流是時司馬越西破河間兵奉迎大駕尋收

繆胤何綏等肆無君之心天下惡之及死而石勒焚其屍柩是其應也
懷帝永嘉元年九月辛卯有大星如白自西南流于東北小者如斗相
隨天盡赤聲如雷占曰流星為貴使星大者使大是年五月汲桑殺東
燕王騰遂據河北十一月始遣和郁為征北將軍鎮鄴西田甄等大破
汲桑斬于樂陵於是以前甄為汲郡太守弟蘭鉅鹿太守小星相隨者小
將別帥之象也司馬越忿魏郡以東平原以南皆黨於桑以賞甄等於
是侵掠桑地有聲如雷占怒之象也四年十月庚子大星西北墜有
聲尋而帝蒙塵于平陽

元帝太興二年四月壬辰枉矢出虛危沒翼軫占曰枉矢所觸天下之
所伐翼軫荊州之分野

太寧二年王敦殺譙王承及甘卓而敦又梟夷枉矢觸翼軫之應也

永昌元年七月甲午有流星大如瓮長百餘丈青赤色從西方來尾分
為百餘歧或散時王敦之亂百姓流亡之應也

成帝咸康三年六月辛未流星大如二斗魁色青赤光耀地出奎中沒

婁北按占為饑五穀不藏是月大旱饑 六年二月庚午朔有流星大

如斗光耀地出天而西行入太微占曰大人當之八年六月成帝崩

穆帝永和八年六月辛巳日未入有流星大如三斗魁從辰已上東南

行昴度推之在箕斗之間蓋燕分也按占為營首營首之下流血滂沱

是時慕容儁僭稱大燕攻伐無已 十年四月癸未流星大如斗色赤黃出

織女段造父有聲如雷占曰燕齊有兵百姓流亡其年十二月慕容儁

遂據臨漳盡有幽并青冀之地緣河諸將奔散河津隔絕慕容恪攻齊

升平二年十二月枉矢自東南流于西北其長半天 四年十月庚戌

天狗見西南占曰有大兵流血

海西太和四年十月壬申有大流星西下有聲如雷明年遣使免表具

為庶人桓溫征壽春真病死息瑾代立求救於苻堅溫破苻堅軍六月

壽春城陷

孝武太元六年十月乙卯有奔星東南經翼軫聲如雷占曰楚地有兵

軍破百姓流亡十二月苻堅荊州刺史梁成襄陽太守閻震率眾伐賁

陵桓石虔擊大破之生擒震斬首七千獲生口萬人聲如雷將帥怒之象也 十三年閏月戊辰天狗東北下有聲占曰有大戰流血自是後慕容垂翟遼姚萇苻登慕容永並阻兵爭疆十四年正月彭城妖賊又稱偽號於皇丘劉牢之破滅之三月張道破合鄉太山向欽之擊走之安帝隆安五年三月甲寅流星赤色衆多西行經牽牛虛危天津閣道貫太微紫宮占曰星庶人類衆多西行衆將西流之象經天子庭王弱臣疆諸侯兵不制其年五月孫恩侵吳郡殺內史六月至京口於是內外戒嚴營陣屯守劉裕追破之元興元年七月大饑人相食浙江以東流亡十六七吳郡吳興戶口減半又流奔而西者萬計十月桓玄遣將擊劉軌破走之軌奔青州

雲氣

惠帝永興元年十二月壬寅夜有赤氣亘天砰隱有聲 二年十月丁丑赤氣見北方東西竟天占曰並為大兵砰隱有聲怒之象也是後四海雲擾九服交兵

光熙元年十二月甲申有白氣若虹中天北下至地夜見五日乃滅占曰大兵起明年王弥起青徐汲桑亂河北毒流天下

懷帝永嘉三年十二月乙亥有白氣如帶出南北方各三起地至天貫參伐中占曰天下大兵起四年三月司馬越收繆資等又三方雲擾攻戰不休五年三月司馬越死於甯平城石勒攻破其衆死者十餘萬人六月京都焚滅帝如虜庭

愍帝建興元年十月己巳夜有赤氣曜於西北荊州刺史陶侃討杜弢之黨於石城戰敗

志第三

天文下

晉書十三